

誠齋詩集

冊四



楊文節公詩集卷之十八

宋吉水楊萬里廷秀甫著

長陽後學彭淑秋潭甫校訂

本邑後學趙本漢漱雲甫同校

南海集

曉發黃巢磯芭蕉林中

清遠山前煙雨濛黃巢磯畔水連空旋芟蘆荻炊朝飯更斫芭蕉補漏篷

水落二絕句

桑椹垂紅似荔枝荻芽如臂與人齊夜來水落知深淺看取芭蕉五尺泥
輕寒瑟瑟入船中閉却船門下却篷要得新晴江水落不應更恨打頭風

蠶戶

天公分付水生涯從小教他踏浪花
春漲吞沙觜急遣兒童斲荻芽自笑平生老行路銀山堆裏正浮家

回望黃巢磯之險心悸久之

夜雲到曉不教收初日微明又却休雨爲岸花新洗面水撩江草欲搖頭千篙百棹力都盡十里九磯船正愁若到峽中應更險却思峽外是安流

天公入峽歌

峽山未到日日愁峽山已到愁却休不是朝來愁便散愁殺人來山不管昨宵遠望最高尖今朝近看雲隔簾樓船衝雨過山下兩扇屏風五色畫江神不遣客心驚雲去雲來遮巖扁忽然褰雲露山脚仰見千丈翠玉削篙師相賀漲痕落今夕可到鷓磯泊

峽山寺竹枝詞五首

峽裏撐船更不行權郎相語改行程却從西岸拋東岸依舊船頭不可撐
一水雙崖千萬縈有天無地只心驚無人打殺杜鵑子兩外飛來頭上聲
龜魚到此總回頭不但龜魚蟹亦愁底事詩人輕老命犯灘衝石去韶州
一灘過了一灘奔一石橫來一石蹲若怨古來天設險峽山不到也由君
天齊浪自說浯溪峽與天齊真箇齊未必峽山高爾許看來只恐是天低

峽中得風掛帆

樓船上水不寸步兩山慘慘愁將暮一聲霹靂天欲雨隔江草樹忽起舞風從
海南天外來怒吹峽山山倒開百夫絕叫椎大鼓一夫飛上千尺桅布帆掛了
却袖手坐看水上鵝毛走

夜泊鷓鴣磯

峽中盡日沒人煙船泊鷓鴣磯也有村已被子規酸骨死今宵第一莫啼猿

過顯濟廟前竹枝詞并石磯二首

石磯作意惱舟人東起波濤遣怒奔撐折萬篙渾不住石磯贏得萬餘痕
大磯愁似小磯愁篙稍寬時船卽流撐得篙頭都是血一磯又復在前頭

泊光口

風平浪靜不生紋水面渾如鏡面新忽有暗流江底出滾翻水面作車輪

過虎頭磯

虎臥中流扼兩涯目光鬚怒首仍回真陽峽裏君須記箇是瞿塘灘瀨堆

真陽峽

清遠雖佳未足觀，真陽佳絕冠南蠻。
一泉嶺背懸崖出，亂洒江邊怪石間。
夾岸對排雙玉笋，此峯外面萬青山。
險艱去處多奇觀，自古何人愛險艱。

夜泊英州

旅病情先惡，愁眠夢更驚。
犬須終夕吠，月到五更明。
未解波頭意，偏來枕底聲。
平生厭行路，投老正追程。

阻風鍾家村觀岸旁物化二首

水蟲纔出綠波來，細看爬沙上石崖。
化作蜻蜓忽飛去，幾時飛去却飛回。
殼如蟬蛻濕仍新，那復浮嬉浪底春。
却把今身飛照水，不知石上是前身。

題鍾家村石崖二首

莫愛懸崖萬丈高，只工險峭作風濤。
看來一一生窠眼，解與行人着過篙。
水與高崖有底冤，相逢不得正相喧。
若教漁父頭無笠，只着蓑衣便是猿。

阻風泊鍾家村離英州已三日纔行二十里二首

南遊端爲看山來過眼匆匆首屢回不是阻風船不進何緣看盡萬崔嵬
滿船兒女厭江行我愛江行怕入城慚愧風師教款曲爲分一舍作三程

檄風伯

峭壁呀呀虎擘口惡灘洶洶雷出吼沂流更着打頭風如撐鉄船上牛斗風伯
勸爾一杯酒何須惡劇驚詩叟端能爲我霽威否岸柳掉頭荻搖手

嶺雲

好山幸自綠蘄蘄須把輕雲護淺嵐天女似憐山骨瘦爲縫霧縠作春衫

明發陳公徑過摩舍那灘石峯下八首

遙松煙未消近竹露猶滴石峯矜孤銳喜以江自隔清潭涵曦紫碧岫過雲白
回瞻宿處堤路轉不可覓地迴人絕影山僻虎留跡下有無底潭上有欲

落石是間一徑橫夾川萬松直樹從何時有陳公所手植陳公今焉在徑松自
寒碧昨宵望石峯相去無一尺今日行終朝祇繞石峯側石峯何曾遠江

路自不直仰瞻碧孱巖清峻如立壁反覆得細看何必更登陟後顧江已遠前

晚山若塞棹進岸自回天水未有極簾欣入絕巘舟愕觸潛石東暎淡未熹北
吹寒更寂岸草不知愁向人弄晴碧

澄潭湧暗暈不風自成花回流如倦客出門復還家江晴已數日新漲沒舊沙
知是前溪雨濕雲尙橫斜

山轉江亦轉江行山亦行風鬢照玉鏡素練縈青屏我本山水客澹無軒冕情
塵中悔一來事外懷孤征忽乘滄浪舟仰高俯深清食翠復可飽飲淥身頓輕
鷓鴣不相識還作故園聲

危峯瑩無土平地岌孤石如何半巖間亦有小樹碧走空根苦辛倚險幹寒瘠
芳蘭間叢生紫蕤濯幽色近香許世聞遠秀絕人摘而我雲外身方茲喟行役
城中安得山無山安得詩我入五羊城遠與山水辭有鏡不敢覽塵面我自知
解纜來歸亭山水奔相隨水光動我巾山色染我衣舟行將一月恨速不恨遲
山雲來未已江月皎無滓平聲開懷放之入出語頗似之

我從靈州來惟見芳草渡蒹葭隨水遠曠野無立樹掛席上真陽好山忽無數

好山如隱士避世不自露不應官道旁仍有見山處借識衛叔玠未覩樂彥輔
石峯最難得舟過更回顧

南中山絕佳所恨人煙稀略無好事人結茅臨深溪峯頂可月亭岸石卽釣磯
空令煙中猿掛崖弄漣漪山多人自少人遠山益奇我舟行不留過眼山如馳
過眼意已足久留亦何爲

遠峯

孤巘秀何似碧蓮含未開誰將修月斧斲取一尖來

坐上松徑

一日江行百折中回頭猶見夜來峯好山十里都如畫更與橫排一徑松

上濛瀼灘

清江斜抱嶺根來暗石衝波却倒回幸有瑠璃青一片落灘碎作雪花堆

回望摩舍那灘石峯

好山近看未爲奇遠看全勝近看時回望七峯雲外筍兩峯高絕五峯低

明發白沙灘聞布穀有感

提壺勸我飲杜鵑勸我歸不如布穀子勸我勤耘耔我少貧且賤不但無置錐
筆未墾紙田黑水導墨池借令字堪煑識字亦幾希啼飢如不聞飢慣自不啼
駿奔三十年辛勤竟何爲髮從道途白面爲風雪鷲夜來白沙灘老命輕如絲
洪濤舞一葉呼天叫神祇生全乃偶然人力初何施曉聞布穀聲如在故山時
坐令萬感集初悟半世非一險靡不悔數悔庸何追有田不歸耕布穀真吾師

寄賀建康留守范參政端明二首

袞衣不是未教歸不合威名滿四夷天與中興開日月帝分萬乘半旌旗春生
錦繡山河早秋到江淮草木遲臥護北門朞月爾却專堂印鳳凰池
一生狂殺老猶狂只炷先生一瓣香不爲渠儂在廊廟無端將相更文章江南
海北三千里玉唾銀鈎十萬行早整乾坤早巖壑石湖風月剩分張

荔枝堂晝憩

荔子陰中風絕涼菖蒲節後日偏長落殘數柄荷花藥浸得一瓶泉水香多病

早衰非破硯欲行復倦且胡床曲江近北差遲暑不道江山勝五羊

風雨

殘風剩雨故欺人垂箔開窗護病身自拾荷花揩面汗新將筍籜製頭巾梅天
筆墨都生醜斐几文書懶拂塵帽子一峯青可掇隔牆不敢略開門

謝從善挽詞

一腹儲三篋雙鉤挽萬牛行身平中準閱世澹於秋紫誥猶新墨霜髯忽古邱
清風未作記掛劍淚川流

送彭元忠縣丞北歸

君從循州來却向饒州去拍天海浪拂日峯瓊尺裁成錦機句學詩初學陳後
山霜皮脫盡山骨寒近來別具一隻眼要踏唐人最上關三春弱柳三秋月半
溪清冰半峯雪只今六月無此物君能喚渠來入筆恰恰新鶯百轉聲忽有寒
蛩終夜鳴瀟湘故人江漢客爲君一夜頭盡白我欠天公詩債多霜髭撚盡未
償他君懷玉槃金叵羅合騎天駟超天河如何也鑄一大錯自古詩人多命薄

黃茅起煙如黃沙瘴母照水曼陀花廣東之遊樂復樂勸君不如早還家

題望韶亭

新隆寺後看韶石三三兩兩各依稀金坑津頭看韶石十五五不整齊一來望韶亭上看九韶八音堆一案金鐘大鏞浮水涯玉瑟瑤琴倚天半堯時文物也龕疎禮樂猶帶鴻荒餘茅茨殿上搥土鼓葦籥聲外無笙竽黃能郎君走川嶽領取后夔搜禮樂嶧山桐樹半夜鳴泗水石頭清晝躍山祇川后爭獻珍姚家制作初一新帝思南嶽來時巡宮琛廟寶皆駿奔曲江清澈碧瓊軟海山孤尖翠屏展天顏有喜后夔知一奏雲韶供亞飯帝登九疑忘却歸不知斑盡湘笛枝后夔一脛跛莫隨坐委衆樂江之湄儀鳳舞獸掃無跡獨留一浚守其側至今喚作獅子石雨淋日炙爛不得洞庭張樂已莓苔犍爲獲磬亦塵埃不如九韶故無恙戛擊尙可冬起雷何時九秋霜月裏來聽湘妃瑟聲美曲終道是不見人江上數峯是誰子

憩楹塘驛二絕句

夾路黃茅與樹齊，人行茅裏似山鷄。
長松不與遮西日，却送清陰過隔溪。
松鳴竹嘯響千崖，爲底炎蒸吹不開。
自是筇輿趨北去，薰風不是不南來。

官道古松

翠旌綠纛夾車輪，龍作長身銖作鱗。
莫笑道旁數松樹，古來老却幾官人。

病中止酒二首

葛衣著了却生寒，風勢顛時正上灘。
客裏無聊已無奈，更教止酒過春殘。
江草江花怨阿誰，山風山雨總成悲。
春愁萬斛無安頓，旋旋分張乞小詩。

行部決獄宿新隆寺觀鄒至完題壁

道卿千古一清風，雪壁銀鈎墨尙濃。
若愛殿前蒼玉佩，斷無身後碧紗籠。

楊文節公詩集卷之十八

文選公...

...

...

...

...

...

...

...

...

...

...

...

楊文節公詩集卷之十九

宋吉水楊萬里廷秀甫著

長陽後學彭 淑秋潭甫校訂

古筠後學李一球廣亭甫同校

南海集

南雄驛前雙柳

外計堂前柳絕奇南中無此兩渦絲午風不動休嫌暑要看枝枝自在垂

南雄解舟

一坐春江上水船卽非上水是登天如今下瀨江無水始信登天却易然

過建封寺下連魚灘二首

江收衆水赴單槽石壁當流鬪雪濤將取危舟飛過去黃頭郎只兩三篙

夢裏篙師忽叫灘老夫驚殺起來看前船過盡知無慮末後孤舟膽自寒

六月十八日立秋送客夜歸兩作

青天赤日更黃埃迎送紛紛正往來一夜炎蒸無計柰三更風雨領秋回人生

珍傲宋版印
作麼禁寒暑世事何如付酒杯遮莫髯間點霜雪何曾筆硯減瓊瑰

送廣帥秩滿之官丹陽二首

北門臥護要耆英小試胸中十萬兵天借金山吟落月身兼鉄甕作長城何如
嶺上因歸路摘取梅酸去作羹已有紫泥教詣闕便應留住付鈞衡
南海元戎禁從臣却昇北斗捧星辰回頭五嶺忽千里屈指十賢添一人笑別
廣平堂下月歸看太極殿前春一尊話別端何有綠水青山更白雲

晚步

晚暑無涼可得尋小風一點慰人心斜陽碎入高榕葉翻作青瑤覆作金

寄題臨武知縣李子西公廨君子亭

王家喚竹作此君周家喚蓮作君子泥中懷玉避俗塵水上開花超大地紅裳
翠蓋映眼中欲往從之隔秋水牡丹貴人非吾徒籬菊隱士堪鄰居李侯岸巾
對芙蓉不寄新詩來起予

謝木韞之舍人分送講筵賜茶

吳綾縫囊染菊水蠻沙塗印題進字淳熙錫貢新水芽天珍誤落黃茅地故人
鸞渚紫薇郎金華講徹花草香宣賜龍焙第一綱殿上走趨明月璫御前啜罷
三危露滿袖香煙懷璧去歸來拈出兩蜿蜒雷電晦冥驚破柱北苑龍芽內樣
新銅圍銀範鑄瓊塵九天寶月霏五雲玉龍雙舞黃金鱗老夫平生愛煮茗十
年燒穿折脚鼎下山汲井得甘冷上山摘芽得苦梗何曾夢到龍遊窠何曾夢
吃龍芽茶故人分送玉川子春風來自玉皇家鍛圭椎璧調冰水烹龍庖鳳搜
肝髓石花紫笋可衙官赤印白泥牛走爾故人氣味茶樣清故人風骨茶樣明
開緘不但似見面叩之咳唾金石聲麴生勸人墮巾幘睡魔遣我拋書冊老夫
七椀病未能一啜猶堪坐秋夕

荔枝堂夕眺三首

夕峯褪日半鉦多秋漢吹雲一絮過寂寂庭松今兩月鶴雛去盡只留窠
病骨秋臞怯暮清涼風偷帶北風輕迎寒窗隔重糊遍只放書邊數眼明
閏年秋淺似秋深蟋蟀將愁傍砌吟今日初三元未覺西樓西角一鉤金

羅仲憲送薺菜謝以長句

學琴自有譜相鶴自有經
疏經我繙盡不見薺菜名
金華詩裏初相識玉友尊
前每相憶坐令芥孫薑子芽
一見風流俱避席取士取名多
失真向來許靖亦
誤人君不見鄭花不得半山句
却參魯直稱門生

曲江重陽

煙描水寫老秋容
嶺外秋容也自濃
如見大賓新露菊
若歌商頌曉風松
插花醉照濂溪井
吹髮慵登帽子峯
莫問明年衰與健
茱萸何處不相逢

九日郡中送白菊

未應白菊減于黃金
作鈿心玉作裳
一夜西風開瘦蕾
兩年南海伴重陽
若言佳節如常日
爲底寒花分外香
授藥浮杯莫多著
一枝留插鬢邊霜

擬題綿州推官廳六一堂

唐子西集載謝固爲綿州推官
推官之廨歐陽公生焉
謝作六一堂求子西賦詩云
卽彼生處所館之與周旋
予謂此非子西得意句也
輒擬

而賦之

一代今文伯三巴昔產賢
白珩光宇宙藍水暗風煙
有客曾高枕升堂見老僊
夢中五色筆猶爲寫鳴蟬

擬進士金波麗鳩鵲詩

曳練爲銀漢鎔金作月波
桂花斜麗處鳩鵲得光多
雲葉三秋淨菱花一鏡磨
宮簷暉水竹觀影淡星河
霧濕殘宵拆霜明發曉珂
螭頭餘映在劍佩已相摩
督諸軍求盜梅州宿曹溪
呈葉景伯陳守正溥禪師

南斗東偏第一山
白頭初得叩禪關
祖衣半似雲來薄
金鑰纔開霧作團
一鉢可能盈尺許
千年有底萬人看
今宵雪乳分龍焙
明日黃泥又馬鞍

曉炊黃竹庄三首

染練江山宿雨餘
枝枝葉葉潤如酥
絲窠瓔珞消多少
破費天公百斛珠
瑄灰藪藪欲飛聲
日到牽牛第幾星
地底陽生人不覺
燒痕未冷已青青
城中殊未有梅看
莫是冬暄欠淺寒
行到深山最寒處
兩株香雪照冰灘

上岑水嶺二首

危峯上面更危峯，特地無梯上碧空。
遙望白雲生絕頂，如今身在白雲中。
天上雲泉脚下鳴，玉虹倒掛客心驚。
試教轉落峯頭石，滾到深溪作麼聲。

過岑水

石瘦銅苗綠，溪腥膽水黃。
是間無馬跡，何處更羊腸。
惡路今方始，平生夢未嘗。
如何寒刮面，行得汗如漿。

野炊白沙沙上

半日山行底，路途欲炊無。
店糴無珠旋，將白石支燃鼎。
却展青油當野廬，一望平田皆沃壤。
只生枯葦與寒蘆，風餐霧宿何虧我。
玉饌瓊樓合屬渠。

至節宿翁源縣與葉景伯小酌

此縣誰言是強名，古來十室亦琴鳴。
只嫌六七茅竹舍，也有兩三雞犬聲。
村酒今冬勝，虛度霜風一夜辦。
新晴半生客路逢佳節，佳節何曾負半生。

至日宿藍坑小民居竹柱荻壁壁皆不土

一路都岑寂藍坑分外荒屋疎茅送月壁密荻分霜病趾催趺坐殘更妬曉光
暖寒無上策來早借朝陽
曉晴過猿藤逕
厭雨欣初霽貪程敢晏眠排天雙壁起受日一峯先入逕惟逢樹無人況有煙
藤深猿不見聲到客愁邊

古路

我生倦行路此行欣不辭我行與人異厭閒樂驅馳王事當有行忘身那自知
聞盜入吾部梅川作潢池白羽飛赤囊碧油走紅旗履霜戒不早蔓草要勿滋
士皆衝冠怒人挾報國私我行梅始花我歸柳應絲會當揮螯弧一笑封鯨鯢
休愁磬确路卽賦競病詩

野炊猿藤逕樹下

逕仄旁無地林開忽有天丹楓明遠樹黃葉暗鳴泉苔錦銀鎗竈蘆茸玉帳毡
從軍古云樂乞與箇山川

泉聲

初聞蟹眼雪花聲忽有僊人玉佩鳴時作微吟清入骨又成幽咽怨多情聞知古澗飛泉落起看寒泓遶石行欲解塵纓聊一濯無塵可濯濯誰纒

羽檄召諸郡兵

閩盜宵窺粵南兵曉盡東軍聲動巖谷旗影喜霜風貔虎諸方集櫓槍一笑空區區鼠子輩不足奏膚功

明發瀧頭

黑甜偏至五更濃強起侵星敢小慵輸與山雲能樣嬾日高猶宿夜來峯

過烏沙望大塘石峯

城中長恨不見山出城見山如等閒曹溪過了過岑嶺不惟山粗石仍獷山如可師癩滿頂石如陳三癭聯頸一路令人眼不開開眼令人悶不醒烏沙未到一溪橫水清見底心已清大塘六峯爭出迎水精筆架琉璃屏兩峯玉筍初出土三峯冰盤釘角黍一峯新琢金博山霧作沉煙雲作縷忽然前岡平截斷萬

丈青尖餘寸許山神解憐客子愁平地跳出蒼琳璆更借天公修月斧神工一夜忙雕鏤近看定何者遠看真可畫山神自賀應自詫古來此地無車馬

竹魚

晨炊烏沙有賣竹魚者身首如鰻而厚鱗如鯉而正綠如竹色云
銀魚色如銀竹魚色如竹渭川千畝秀可掬都將染成一身綠魚生竹溪中家在竹根菱苳叢畫餐竹葉與竹米夜飲竹露吹竹風前身王子猷今身赤鯉公
只知愛竹拚却命化作此君蒼雪容漁翁夜傍竹溪宿魚驚釣絲水底縮朝來釣得水蒼玉先生笑捫藜覓腹

葦子

空山一兩山溜急漂流桂子松花汁土膏鬆暖都滲入蒸出葦花團戢戢戴穿落葉忽起立撥開落葉百數十蠟面黃紫光欲濕酥莖嬌脆手輕拾響如鵝掌味如蜜滑似蓴絲無點澁傘不如笠釘勝笠香留齒牙麝莫及菘羔楮鷄避席揖餐玉茹芝當却粒作羹不可疎一日作腊仍堪貯盈笈

食鷓鴣

江南厭聽鷓鴣曲嶺南初嘗鷓鴣肉年年細雨落花春鈎輶格磔惱殺人竹鷄泥滑報行客鷓鴣更道行不得方兄百輩買一隻可惜羽衣錦狼藉

宿小粉村

暮宿溪邊小粉村一峯如筆正當門看來山色元無粉拂殺濃藍淺黛痕

塘聞

山逢塘聞冠南中小大高低十九峯東畔連尖尤秀絕一雙銅綠翠鋪茸

入陂子逕

下一嶺上一嶺上如登天下如井人言個是陂子逕猿藤逕裏無居民陂子逕裏無行人冷風瀟瀟日杲杲露濕半黃半青草前日猿藤猶有猿今此一鳥亦不喧樹無紅葉草無藥縱有猿鳥將何餐兩山如壁岸如削一逕緣空劣容脚溪聲千仞撼林壑崖石欲崩人欲落來日長峯逕更長陂子逕荒未是荒蔣家三徑未入手嶺南三徑先斷腸

過陂子逕五十餘里喬木蔽天遺悶七絕句

林中亭午始微明，楓倒杉傾滿路橫。
黃葉青芽深一丈，先生却愛此中行。
草光葉潤亦清佳，翠裏生香不是花。
一事說來人不信，蕨長如樹蚓如蛇。
蘆深石路旋芟開，藤絀肩輿却倒回。
蘭蕙連山爲誰好，芭蕉滿谷不緣栽。
爲憐上轎齧人肩，下轎行來脚底穿。
客子心心愁欲暮，碧雲偏作半陰天。
晚風寂寂樹陰陰，松不悲鳴竹不吟。
只有清泉逢白石，向人刺口說山林。
澗泉勸我出山遲，曲曲遮留步步隨。
泉自多情儂自悶，今宵會有出山時。
山窮喜見一平川，不似林中不識天。
只此出山災便散，何須更問小行年。

過長峯逕遇雨遺悶十絕句

南中謂深山長谷寂無人，煙中通一路者謂之逕。
自翁源至河源，其逕有三猿藤陂子各五十里。
惟長峯餘百里過者，往往露宿鑽火以炊。子以半夜一晝疾行，出逕宿秀溪云。

說着長峯十日愁，夜來發處四更頭。
莫令炬火風吹黑，未說紅紗絳蠟休。

百里如何一日行晴天猶自急追程山雲管得儂愁雨強做催詩數點聲
野炊未到也飢嗔到得炊邊却可人傘作旅亭泥處坐水漂地竈雨中薪

石上菖蒲鏡作鬚寸根九節許清臞安期自是參渠底却重安期不重渠

世傳安期

生食蒲澗九節菖蒲而仙云

一眼空山空復空欹蘆倒荻雨和風却緣小隊旌旗過教得青楓學著紅

何須人跡到來曾點污松風澗水聲不是先生愛山水是間却遣阿誰行

猿藤跛子枉驚吁未抵長峯小半途今夕前頭何許宿不知出得逕來無

下到危坡斗處泥旁臨崩岸仄邊溪不須杜句能驅瘧只誦長峯遣悶詩

出得山來未見村已知村近稍多田坐看雲脚都垂地回望峯頭已入天

鱸是鰕兄非善地橘和柚種帶襪災烏棹不熟還無事小艇難乘莫載來

明發曲坑二絕句

雲橫平野近人低似絮如紗只隔溪行到溪東元不見回頭却復在溪西

露草欣逢曉日新各將珠琲鬪呈珍紅光影裏如何揀顆顆圓明顆顆勻

明發龍川二絕

山有濃嵐水有氛，非煙非霧亦非雲。
北人不識南中瘴，只到龍川指似君。
憂入蠻溪受瘴煙，一生誰料到龍川。
早書實歷還山考，便是中書九閏年。
發通衢驛見梅有感

忙中掠眼雪枝斜，落片紛紛點玉砂。
虛過一冬妨底事，不曾款曲是梅花。
過五里逕三絕

瘦日當中暖稍回，冷山未許瘴全開。
溪光遠隔深深竹，特地穿簾入轎來。
野水奔流不小停，知渠何事太忙生。
也無一個人催促，自愛爭先落澗聲。
入山無路出無門，鳥語猿聲更斷魂。
當處迷塗何處問，一溪引我到前村。
晨炊浦村
水出何村尾橋橫，亂篠叢叢隔溪三四屋。
對面一雙峯過午，非常煖疑他不是冬。
疎梅照清淺，作意爲誰容。

宿長樂縣驛驛皆用葵葉蓋屋狀如樓葉云

都將葵葉蓋亭中樹似桄榔葉似櫟欲問天公覓微雪裝成急響打船篷

題興寧縣東文嶺瀑泉在夜明場驛之東

筓輿路轉崖欹傾只聞滿山泉水鳴卷書急看已半失眠不停注耳細聽石如鐵色黑壁立鏡面平水從鏡面一飛下蘄苗織篔簹風漪生石知水力倦半壁鍾作天一泓水行到此欲小憩後水忽至前水驚分清裂白兩派出跳珠躍雪雙龍爭不知落處深幾許千丈井底碎玉聲安得好事者泉上作小亭釀泉爲酒不用麴春風吹作蒲萄綠醉寫泉聲入枯木何處更尋響泉曲

入程鄉縣界

長樂昏嵐著地凝程鄉毒霧嘆人腥吾詩不是南征集只合標題作瘴經

明發梅州

市小山城寂船稀野渡忙金喧梅藥日玉冷草根霜

霜草

霜前亂碧未全枯霜後紛黃却更蘇偷吃瑤臺青女粉都生瓊鬢與銀鬚

夜宿房溪飲野人張珣家桂葉鹿蹄酒其法以桂葉爲餅以鹿蹄煮酒釀以八月過是則味減云

桂葉揉青作麴投鹿蹄煮醪趁涼筩落杯瑩滑冰中水過口森巖菊底秋玉友黃封猶退舍蠶湯蜜汁更輸籌野人未許傳醅法剩買雙餅過別州

明發房溪二絕

山路婷婷小樹梅爲誰零落爲誰開多情也恨無人賞故遣低枝拂面來青天白日十分晴轎上蕭蕭忽雨聲却是松梢霜水落雨聲那得此聲清

瘴霧

午時猶未識金烏對面看人一似無臘月黃茅猶爾許不知八月却何如

南中八月

黃茅瘴正感之時

過水車鋪二絕

盡日途中斷客行兩邊山色到雲青溪光搖碎黃金日波面跳成白玉星
轎裏看書得晝眠夢中驚浪撼魚船覺來書卷風吹亂忘却前篇與後篇

宿萬安鋪

來朝逕入鱈魚鄉未到潮陽到揭陽休說春風歸路遠只今去路不勝長

過單竹洋逕

兩山何許來此焉忽相尋摩肩不少讓爭道各載駸喬木與修竹相招爲茂林
無風生寒翠未夕起素陰天垂木末近日到谷底深空山時自響已動客子心
行至幽絕處更聞啼怪禽

自彭田鋪至湯田道旁梅花十餘里

一行誰栽十里梅下臨溪水恰齊開此行便是無官事只爲梅花也合來

觀湯田鋪溪邊湯泉

下泓堪浴上堪煎陽火熬成未必然海底日昇波自沸偶分一眼作湯泉

湯田早行見李花甚盛二首

北地先春信年年只是梅南中春更早臘月李花開

似妬梅花早同時鬪雪膚新年三二月還解再開無

雨中道旁叢竹

竹色豈不好道旁端可嗔只教寒雨裏將冷灑行人

雨中梅花

霜晴三日不勝佳忽作陰霖送歲華客裏清愁自無奈却教和雨看梅花

過瘦牛嶺

行盡天涯未遣休梅州到了又潮州平生豈願乘肥馬臨老須教過瘦牛夢裏長驚吹劍首春前應許賦刀頭夜來尚有餘尊在急喚渠儂破客愁

題瘦牛嶺

牛頭定何向牛尾定何指我不炙汝心我不穿汝鼻如何不許見全牛霧隱雲藏若相避行行上牛背上下三十里一雨生新泥寸步不自致胡不去作牽牛星渴飲銀河天上水胡不去作帝籍牛大田春風牽犁耜却來蠻村天盡頭塞路長遣行人愁夕陽芳草只依舊瘦牛何苦年年羸

道旁草木二首

山無人跡草長青異彩奇香不識名只是苔花兼蘚葉也無半點俗塵生
古樹何年澗底生只今已與嶺般平千梢萬葉無重數一一分明作雨聲

葵葉

藟笠端能直幾錢騎奴不礙雨連天蓋頭旋摘山葵葉擘破青青傘半邊

葉之狀如

此

過金沙洋望小海

海霧初開明海日近樹遠山青歷歷忽然咫尺黑如漆白晝如何成暝色不知
一風何許來霧開還合合還開晦明百變一彈指特地遣人驚復喜海神無處
逞神通放出一班誇客子須臾滿眼賈胡船萬頃一碧波黏天恰似錢塘江上
望只無兩點海門山我行但作遊山看減却客愁九分半

揭陽道中二首

厭穿山徑石欽轂喜見山原路坦夷更看兩行圍樹子引人行遠不教知
地平如掌樹成行野有郵亭浦有梁舊日潮州底處所如今風物冠南方

宿潮州海陽館獨夜不寐二首

醉來還睡睡還醒長是三更夢便驚細數更聲有何益不然作麼到天明
臘前蚊子已能歌揮去還來奈爾何一隻攪人終夕睡此聲元自不須多

謁昌黎伯廟

南海行幾徧東潮欠一來若無韓子廟只有越王臺文字天垂日興亡草上埃
聊吹鱷溪水灑起六丁雷

題韓亭韓木二絕

老大韓家十八郎猶將雲錦製衣裳至今南斗無精彩只放文星一點光
笑爲先生一問天身前身後兩般看庭前樹子關何事也得天公賜姓韓

楊文節公詩集卷之十九

謝文簡公集卷之十

笑然於此一問天良而長翁兩歎香風前謝子關何事出翁天公賦長

香大轉家十八獲餘雜雲論雖文堂至今南上無辭深只效文星一攝次

賦轉亭游水二賦

賦轉亭游水二賦

賦轉亭游水二賦

賦轉亭游水二賦

賦轉亭游水二賦

賦轉亭游水二賦

賦轉亭游水二賦

楊文節公詩集卷之二十

宋吉水楊萬里廷秀甫著

長陽後學彭淑秋潭甫校訂

古筠後學陳霖雨亭甫全校

南海集

登南州奇觀前臨大江浮橋江心起三石臺皆有亭子

梅邊樓閣海邊山銀燭初收霽日寒看着南州奇觀了人間山水不須看
玉壺冰底臥青龍海外三山墮眼中奇觀揭名渾未只在只消題作小垂虹

平賊班師明發潮州

不是潢池赤白囊何緣杖屨到潮陽官軍已掃狐兔窟歸路莫孤山水鄉便去
羅浮參玉局更登浴日折扶桑還家兒女搜行李滿袖雲煙雪月香

潮陽海岸望海

動地驚風起海陬爲人吹散兩眉愁身行島北新春後眼到天南最盡頭衆水
更來何處著千峯赴此却回休客間供給能消許萬頃煙波一白鷗

除夜宿石塔寺

醉後先眠客莫嗔誰能守歲費精神幸無爆竹驚寒夢休羨椒花頌好春今歲
明年纔隔夕人情物態頓趨新遙憐兒女團欒處政欠屠酥第十人

每飲屠酥予居第十

壬寅歲朝發石塔寺

曉鐘夢裏苦相呼強裹烏紗照白鬚只有銅爐燒柏子更無玉盞瀉屠酥佛桑
解吐四時豔鐵樹還如九節蒲省得一朝疲造請却教終日走長途

寺法堂前有紅佛桑

四時有花又有小木名鐵樹葉似蕝而紫幹似密節莖蒲

晨炊黃岡望海

望中雪嶺界天橫雪外青瑤瑩地平白底是沙青是海捲簾看了却心驚

海岸沙行

海濱半程沙上路海風吹起成煙霧行人合眼不敢覷一行一步愁一步步
沙痕沒芒屨不是不行行不去若為行到無沙處寧逢石頭齧足拇寧踏黃泥
濺袍袴海濱沙路莫再度

榕樹

直不爲楹園不輪斧斤亦復赦渠薪數株連碧真成菌一脰空肥總是筋

食車螯

珠宮新沐淨瓊沙石鼎初燃淪井花紫殼旋開微滴酒玉膚莫熟要鳴牙橙拖
金線成雙美薑擘糟邱併一家老子宿醒無解處半杯羹後半甌茶

食蠣房

蓬山側畔屹蠔山懷玉深藏萬壑間也被酒徒勾引著薦他尊俎解酡顏

食蛤蜊米脯羹

傾來百顆恰盈奩剝作杯羹未屬厭莫遣下鹽傷正味不曾著蜜若爲甜雪揩
玉質全身瑩金綠冰鈿半鏤纖更浙香杭輕糝却發揮風韻十分添

食銀魚乾

初疑柘繭雪爭鮮又恐楊花糝作羶却是剪銀成此葉如何入口軟于綿

烏賊魚

秦帝東巡渡浙江中流風緊墜書囊至今收得磨殘墨猶帶宮車載鮑香

泊流潢驛潮風大作二首

忽看草樹總離披記得沙行昨日時除却潮來無別事海風動地亦何爲
潮來潮去有何功費盡辛勤辨一風若使無風潮自至信他海伯有神通

正月三日宿范氏莊四首

開歲又涉三我征良未休沙行地一平百里縱遐眸景暮物自欣磧迥情反愁
中田緬雲莊聊復稅我輶追程有底急行急能至不三峯從何來駿奔若鳴騶
當戶不忍去徘徊爲人留對之成四友呼酒與獻酬我醉山自醒相忘却相求
野踐得幽詠不吐聊自味健步忽傳呼云有遠書至開緘祇暄涼此外無一事
奇懷坐消泯追省寧復計方歡遽成悶俗物真敗意山鵲下虛庭對語含喜氣
一笑起振衣吾心本無滯

酒名忘憂物未盡酒所長醉後忘我身安得憂可忘我飲初不多不可無一觴
平生難爲酒甘醴斷不嘗要與水爭色仍復菊敵香氣盎春午花味凜秋旭霜

三杯合自然一滴詣醉鄉
竭來困行役名酒安可嘗
甘淡俱不擇芳冽那得將
酒味何必佳一醉徑投床
但令有可飲不醉亦何妨

山歷愁寡天沙征恨多地
兩日行海濱雖近彌不至
遐瞻道旁埃我進渠祇退
大風來無隔午燠皎安避
今夕范氏莊初覲三峯翠
愈遠故絕瑕不多始足貴
巉然半丸出蹙若一拳細
輕霏淡晚秀隴照花春媚
玩久有餘佳繪苦未必似
今夕勿掩扉月中對山睡

初四日晨炊橫翠亭

近看三峯失一峯其餘都與昨
來同多情橫翠亭前玉伴我
同行兩日中

人日宿味田驛

破驛荒涼晚解鞍
急呼重碧敵輕寒
南中氣候從頭錯
人日青梅已醞酸

登大鞋嶺望大海

杖屨千崖表波濤萬頃前
瓊天吹不定銀地濕無邊
一石當流出孤尖卓筆然
更將垂老眼何許看風煙

晨炊叱馭驛觀海邊野燒

南海驚濤卷玉缸北山野燒展紅幢山神海伯爭新巧併慰詩人眼一雙

海岸七里沙二首

大風吹起翠瑤山近看還成白雪團一浪攙先千浪怒打崖裂石與君看
行人莫近岸邊行便恐波頭打倒人若道岸高波不到玉沙猶濕萬痕新

鮮魚潭登舟

船閣寒沙待晚潮行人舟子各相招銀山一朵三千丈隔海飛來對面消

宿南嶺驛二首

蕨手猶拳已箸長菊苗初甲可羹嘗山村富貴無人享一路春風野菜香
茅花似雪復如茸一望平原淺草中盡日向人揮玉麈知將何事語春風

初十日早炊蕉步得家書并家釀二首

潢池東定得西還病後途中竟鮮歡爲許朝來有新喜庭闈一騎報平安
年年自漉雪前醅今歲無緣得一杯政是荒村愁絕處家中送得幾尊來

惠州豐湖亦名西湖二首

左瞰豐湖右瞰江三峯出沒水中央峯頭寺寺樓樓月清殺東坡錦繡腸
三處西湖一色秋錢塘潁水更羅浮東坡元是西湖長不到羅浮便得休

正月十二游東坡白鶴峯故居其北思無邪齋真蹟猶存

詩人自古例遷謫蘇李夜郎并惠州人言造物困嘲弄故遣各捉一處囚不知
天公愛佳句曲與詩人爲地頭詩人眼底高四海萬象不足供詩愁帝將湖海
賜湯沐僅僅可以當冥搜却令玉堂揮翰手爲提椽筆判羅浮羅浮山色濃潑
黛豐湖水光先得秋東坡日與羣僊遊朝發崑岡夕不周雲冠霞佩照宇宙金
章玉句鳴天球但登詩壇將騷雅底用蟻穴封王侯元符諸賢下石者祇與千
載掩鼻羞我來剝啄王粲宅鶴峯無恙江空流安知先生百歲後不來弄月白
潁州無人挽住乞佳句猶道雪乳冰湍不當年醉裏題壁處六丁已遣雷電收
獨遺無邪四個字鸞飄鳳泊蟠銀鈎如今亦無合江樓嘉祐破寺風颼颼

解舟惠州東橋

南宦寧差北西歸敢再東猿聲雲樹月客枕露船風綠髮春全白蒼顏酒不紅
莫憎愁與病留取伴衰翁

放船

岸岸人家住門門水面開老翁扶杖立穉子看船來一夜鳴春雨諸灘漲綠醅
順流行自快更著北風催

感興

行役忘衰暮逢春感物華一來梅嶺外三見木棉花山鹿寧游市江鷗本臥沙
紅塵無了日白髮未還家

夜泊曲灣

順流一日快舟行薄暮風濤特地生不是江神驚客子勸人早泊莫追程

曲灣放船

梅子成陰夾道周木棉吐焰滿江頭春來不是無桃李臘月花開已落休

石灣兩作得翬采若書約觀燈

昨暮顛風浪打頭那知今日得安流元宵不爲遊人好細雨先供客子愁病骨
支離妨酒琰詩仙招喚試燈毬書生薄命多磨折樂事良辰判却休

舟中望羅浮山

羅浮元不是羅浮自是道家古蓬邱弱水只知斷舟楫葛仙夜偷來惠州羅浮
山高七萬丈下視日月地上流黃金爲橋接銀漢翠琳作闕橫瓊樓不知何人
汗脚跡觸忤清虛瀉寒碧天遣山鬼絕凡客化金爲鐵瓊爲石至今石樓人莫
登鐵橋不見空有名玉匙金鑰牢鑲局但見山高水泠泠我欲騎麟翳鸞鳳月
爲環珮星爲從前驅子晉後安期飛上峯頭斲丹汞

南海東廟浴日亭

南海端爲四海魁扶桑絕境信奇哉日從若木梢頭轉潮到占城國裏回最愛
五更紅浪沸忽吹萬里紫霞開天公管領詩人眼銀漢星槎借一來

題南海東廟

羅浮山如萬石鍾一股南走如渴龍雷奔電激遮不住直抵海濱無去處低頭

飲海吐絳霞舉頭戴着祝融家珠宮玉室水晶殿萬水一日朝丹衙青山四圍
作城郭海濤半浸青山脚客來莫上浴日亭亭上見海君始驚青山缺處如玉
映潮頭飛來打雙闕晴天無雲濺碎雪天下都無此奇絕大海更在小海東西
廟不如東廟雄南來若不到東廟西京未覩建章宮海神喜我着綺語爲我改
容收霧雨乾坤軒豁未能許小試日光穿漏句

鐳白

止酒愁無那哦詩意已闌鐳髭非急務也遣半時閒

和鞏采若游蒲澗

南中道是島夷居也有安期宅一區屐齒苔痕猶故跡霓旌鸞佩已清都元戎
解領三千騎勝日來尋九節蒲萬壑松風和澗水鳴琴漱玉自相娛

船過靈州

却緣野闊覺天低政值潮平苦槳遲洲嘴兩船歸別港岸頭數屋出疎籬江山
慘淡真如畫煙雨空濛自一奇病酒春眠不知曉開門拾得一篇詩

近岸

十日都無一日晴牽船客子總斜行一川黃犢朝朝飽岸草何曾減寸青

泊鴨步

江流自在水風輕雲去天來半欲晴兩岸東西三十里李花獨樹隔江明

明發鴨步

兩歲春船各一時今年船快去年遲青山面目何曾改清曉看來別樣奇

過黃巢磯

黃巢磯與白沙灘只是聞名已膽寒自笑南來三換歲一年一度犯驚湍

望清遠峽

刺船又入峽山間江水初平失惡灘道是峽山天下險老夫只作坦塗看

舟人吹笛

長江無風水平綠也無鞞文也無穀東西一望光浮空瑩然千頃無瑕玉船上
兒郎不耐閒醉拈橫笛吹雲煙一聲清長響徹天山猿啼月澗落泉更打羊皮

小腰鼓頭如青峯手如雨中流忽有一大魚跳破琉璃丈來許

近峽

望峽初愁遠當前忽不知如何船進處却在棹停時

清遠峽四首

峽水都是泉非雨元自足不知幾滴珠成此一川玉旁將山染翠仰爲天寫綠
何當雪月夜孤艇葦間宿

清晨霧雨重不敢開船門小窗試微啓逗入一船雲何曾燒龍麝香霏遶吾身
身在雲水上何許覓點塵

清遠望峽山山脚無半里小舟行其間五日翠未已並馳兩蒼龍中夾一玉水
送我到英州渠當自回轡

誰開峽山寺政要避世喧深潭無來路斷岸有青天療飢摘山果擊磬煩嶺猿
人跡今擾擾祇緣一漁船

光口夜雨

峽江清空峽雨急寒聲夜半蕭蕭發玻璃盆面跳萬珠一顆一聲清入骨夢中
搔首起來聽聽來聽去到天明一生聽雨今頭白不識春江夜雨聲

出真陽峽十首

過盡危磯出小潭回頭失却石峯巉春寒料得元無事知我猶藏一布衫
細雨初來刺水紋三針兩線未教繁不知忽有何忙處急灑千千万萬痕
峽嶺分明是假山亂堆怪石入雲間上頭更種青瓊樹下照春江玉鏡寒
峽中出了又逢灘破浪牽船分外難只是峽山臨欲別此灘留我再看山
江楓新染綠衣衫知費春風幾把藍道是春光在桃李試除桃李儘教參
入峽長思出峽行出來却憶峽中清一江碧水供詩案兩岸青山作硯屏
只言英石冠南中未識真陽一兩峯遮莫陂陁將不去將詩描取小玲瓏
今歲春流漲又銷水痕猶印石間茅浮槎却被春流誤長掛江邊小樹梢
春光濃裏更江行畫舫分明是水亭出了真陽恰惆悵數峯如筍雨中青

出峽
卽見

碧落洞
數石峯

誠齋

詩集

南海集

卷二十一

七
中華書局聚

未必陽山天下窮英州窮到骨中空郡官只怨無供給支與真陽數石峯

山雲

春從底處領雲來日日山頭絮作堆戀着好峯那肯去欲開猶遶兩三回

碧落洞前灘水三首

水知山近已先狂箭往星奔趁下瀧灘下回流能耐事旋漚百轉看他忙
石峯背後卽英州只不教人到岸頭羅帶春風吹不直故將數摺惱行舟
碧落峯前上一灘篙師叫得口都乾開門將謂船行遠只在峯頭蘆荻灣

北風

山雨無休歇江雲政鬱葱如何急灘水更着打頭風草作傷心碧花能可意紅
一年春好處却在道塗中

正月二十八日峽外見燕子二首

社日今年定幾時元宵過了燕先歸一雙貼水嬌無奈不肯平飛故仄飛
不宿青楓學子規不穿綠柳伴鶯啼雙飛只愛清江水自喜身輕照舞衣

回望峽山二首

英州挽不來峽山推不去行了一日船依舊潮來處
浪喜出峽來山亦何曾出兩岸只無山依舊江頭屈

碧落洞四首

碧落諸峯是碧簪忽于平地插瑤岑洞中定有神仙宅玉室金堂不可尋
夢中曾泊洞前船柳絮飛花是去年今日來尋船泊處一江風雨草連天
洞裏仙人枉費功鑿江屈曲有神通千縈萬繞留江住畢竟奔流入峽中
際會諸灘吼怒雷遭逢江勢更縈回今宵不到英州定何用山雲送雨來

郎石峯

四旁不與衆山連特地孤尖立半天碧落諸峯非不好讓他郎石一峯先
正月晦日自英州舍舟出陸北風大作

北風吹得山石裂北風凍得人骨折南來何曾識此寒便恐明朝又深雪今朝
幸不就船行白浪打船君更驚只是山行也不好筍輿寸步風吹倒

英石鋪道中

一路石山春更綠見骨也無斤兩肉一峯過了一峯來病眼將迎看不足先生
盡日行石間恰如蟻子緣假山穿雲渡水千萬曲此身元不離巖巒莫嫌宿處
破茅屋四方八面森冰玉孤峯高絕連峯低圍者如廩尖如錐蒼然秀色借不
得春風領入玉東西英州那得許多石誤入天公假山國

神堂鋪前桃花

北江二月政春寒初見桃花喜未殘臘月潮州見桃李元來不作好春看

過陳公逕二首

去歲陳公逕裏松船中仰看愛松風只今身在松風裏下看江船西復東
江行十日厭船遲却喚籃輿踏路泥江水別來纔兩日陳公逕下再相隨

鵝鼻鋪前桃花

歸來長恐已春遲恰是春風二月時路上桃花亦懽喜爲人濃抹濕臙脂

南華道中二首

清曉新晴物物熙
小風淡日暖歸旗
不堪回首南華路
去歲梅花細雨時
騎吏歡呼不要嗔
三千里外北歸人
慙慙自掬曹溪水
淨洗先生面上塵

荔枝歌

粵犬吠雪非差事
粵人語冰夏蟲似
北人冰雪作生涯
冰雪一窖活一家
帝城六月日亭午
市人如炊汗如雨
賣冰一聲隔水來
行人未喫心眼開
甘霜甜雪如壓蔗
年年嘗子南山下
去年藏冰減工夫
山鬼失守嬉西湖
北風一夜動地惡
盡吹北冰作南雹
飛來嶺外荔枝梢
絳衣朱裳紅錦包
三危露珠凍寒泚
火傘燒林下成水
北人藏冰天奪之
却與南人銷暑氣

嘗瓜二首

病骨那禁暑衰年
更作愁有風依舊
熱初伏幾時秋瓜
菓誰新餉饒涎小
忍休金盆井花水
但看玉雙浮

風露盈籃至甘香
隔壁聞綠搏鬩一
搦白裂玉平分蘚
鬚開冰段梅山失
火雲老夫供晚酌
不用辦羶葷

讀武惠妃傳

桂折秋風露折蘭千花無朵可天顏壽王不忍金宮冷獨獻君王一玉環

聖筆石湖大字歌

有序

淳熙聖人錫宴臨遣端明殿學士參政臣范成大居守金陵觴次肆筆
作石湖二大字賜之以寵其行臣成大刻石以碑本分賜小臣楊萬里
敢拜手稽首敬賦長句

石湖仙人補天手整頓乾坤屈伸肘邇來化作嬾臥龍簸弄珠璣激瓊玖五雲
萬里天九重玉皇深拱蓬萊宮豈無九虎守閭闔北門半扉當朔風夜令雲師
勅風伯鞭起臥龍湖底月湖水卷上天中央却煩北門護風雪仙人馭風乘綠
雲玉宸殿上朝帝真帝將北斗酌天酒冰桃碧藕脯麒麟傳呼玉蜍吸銀浦黦
霜調冰澆月兔灑成羲畫河洛書白璧一雙浮雨露石湖二字天上歸奎星壁
宿落山扉昭回下飾吳花草姑蘇臺前近太微詩人不直一杯水自是渠儂命
如紙教人妬殺石湖仙手攬星辰懷袖底

楊文節公詩集卷之二十

...

朝天集自序

予游居寢食非詩無所與歸淳熙壬寅七月既嬰戚還家詩始廢至甲辰十月一日禫之徙月也大兒長孺請曰大人久不作詩今可作矣乎予蹙然曰三年不爲禮禮必壞三年不爲詩詩必頽善如爾之請也是日始擬作進士題後二十七日拜除召之命後十日敕道入京道途僅僅得二十餘詩然自覺其扞格不如意蓋哀未忘故也既至中都就列本職明年二月被旨爲銓試考官與人謝昌國倡和忽混混乎其來也至丁未六月十三日得故人劉伯順書送所刻南海集來且索近詩于是彙而次之得詩四百首名曰朝天集寄之云

陳南燕來且家世精于長乘而文之辭類四百首各曰陳天樂壽之云

人備昌圖證味然此屬平其來也至丁未六月十三日韓廷入陵前聽音樂派

不攻蓋蓋其未也其出漢至中韓韓因本韓韓二日楚音後韓韓韓韓韓韓

十日韓韓石之命韓十日韓韓人京韓韓韓韓韓二十韓韓然自愛其丹韓

不韓野野父擊三三不韓韓韓必韓善或爾之韓也長日故韓韓韓韓韓韓

一日韓文韓民出大吳其韓韓曰大人久不韓韓今何韓矣平子韓然曰三平

平韓以韓金其精韓其韓韓韓王寅十日韓韓是韓韓韓韓韓韓至甲是十日

楊文節公朝天詩集目錄

卷二十一

淳熙甲辰十月一日擬省試萬民觀治象

仲冬詔追造朝供尚書郎職舟行阻風清泥三首

明發清泥衝雪刺船三首

過招賢渡

三衢登舟午睡

望橫山塔

曉泊蘭溪

蘭溪解舟四首

梳頭看可正平詩有寄養直時未祝髮等篇戲題七字二首

暮泊鼠山聞明朝有石塘之險

夜泊釣臺小酌

追和尤延之檢詳紫宸殿賀雪

乙巳和陳蹇叔郎中上元晴和

二月望日遞宿南宮和尤延之右司郎署疎竹之韻

春寒早朝

二月二十四寺丞田丈清叔及學中同舍諸友拉予同屈祭酒顏丈幾聖學

官諸文集於西湖雨中泛舟座上二十人用遲日江山麗四句分韻賦詩
余得融字呈同社

類試所戲集杜句跋杜詩呈監試謝昌國察院

予因集杜句跋杜詩呈監試謝昌國察院謝丈復集杜句見贈予以百家衣

報之

楊花

擬花藥亞枝紅

四月五日車駕朝獻景靈宮省前迎駕起居口號

沈虞卿祕監招遊西湖

陳蹇叔郎中出閩漕別送新茶李聖俞郎中出手分似

送鄉僧德璘監寺化緣結夏歸天童山二首

答提點綱馬駟程劉修武翰

吳春卿郎中餉臙猪肉戲作古句

戲作司花謠呈詹進卿大監郎中 直宿南宮三首

大司成顏幾聖率同舍招遊裴園泛舟繞孤山賞荷花晚泊玉壺得十絕句

謝胡子遠郎中惠蒲大韶墨報以龍涎心字香

新涼五言呈尤延之

小齋晚興

尤延之和予新涼五言末章有早歸山林之句復和謝焉

省宿題天官廳後竹林

賀皇太子九月四日生辰四首

和同年李子西通判

九日都下黃雀食新

九日卽事呈尤延之

和周元吉左司東省培竹

和周元吉左司夢歸之韻

給事葛楚輔侍郎余處恭二詹事招儲禁同寮沈虞卿祕監諭德尤延之右

司侍講何自然少監羅春伯大著二宮教及余泛舟西湖步登孤山五言

賀皇孫平陽郡王十月十九日生辰

送王元之中書舍人使虜

李聖俞郎中求吾家江西黃雀醪法戲作醪經遺之

食蒸餅作

早朝紫宸殿賀雪呈尤延之

擬乙巳南郊慶成二首

代賀郊祀慶成二首

和周元吉左司郊祀慶成韻

送章德茂少卿使虜

送詹進卿太監出宣城

和章德茂少卿拉館學之士四人訪王德修提幹

送何一之右司出守平江

送羅春伯大著提舉浙西

德壽宮慶壽口號十解

題曹仲本出示譙國公迎請太后圖自肅天仗以下皆紀畫也

丙午正月二十四夜朱師古少卿招飲小樓看燈二首

送劉孔章縣尉得官西歸

和陸務觀惠五言

雲龍歌贈陸務觀

再和雲龍歌留陸務觀西湖小集且督戰云

上巳日子與沈虞卿尤延之莫仲謙招陸務觀沈子壽小集張氏北園賞海

棠務觀持酒酌花予走筆賦長句

再和

醉臥海棠圖歌贈陸務觀

卷二十二

寒食雨中同舍人約遊天竺得十六絕句呈陸務觀

和皇太子雪中賞梅偶成二首

謝皇太子三月十九日召宴榮觀堂頒賜金盃纈羅

餞趙子直制置閣學侍郎出帥益州分未到五更猶是春二十八字為韻得

猶字

鑾宿省中心氣大作通夜不寐得兩絕句

送王恭父監丞倅潼川

題徐載叔雙桂樓

招陳益之李兼濟二主管小酌益之指蠶豈云未有賦者戲作七言蓋跪豈

也吳人謂之蠶豈云

初夏清曉赴東宮講堂行經和寧門外賣花市

積雨新晴駕幸聚景園擬口號

跋陸務觀劍南詩藁二首

新晴讀樊川詩

駕幸聚景園晚歸有旨次日歇泊

都下食筍自十一月至四月戲題

醪醑

早謁景靈宮聞子規

南海陶令曾送水沈報以雙井茶二首

以六一泉烹雙井茶

謝故人送常州草蟲扇

謝福建提舉應仲實送新茶

嘗枸杞

幼圃

同三館錢王恭父監丞分韻予得何字

送伍耀卿監廟西歸

謝岳大用提舉郎中寄茶果藥物二首

西府直舍盆池種蓮二首

東宮講退觸熱入省倦甚小睡

和周元吉省中新竹

題尤延之右司遂初堂二首

謝紹興帥邱宗卿惠楊梅

小桃

送周元吉顯謨左司將漕湖北

簡陸務觀使君編修二首

送王季德提刑寶文少卿

贈都下寫真葉德明

初秋玩月

送孫檢正德操龍圖出知鎮江

食鷄頭子二首

跋尤延之所藏光堯御書歌

賀皇太子九月四日生辰十首

尤延之檢正直廬窗前紅木樨一小株感開戲呈延之

送張定叟二首

新寒戲簡尤延之檢正

跋姜春坊梅山詩集二首

早朝垂拱殿晚出東省

跋京仲遠所藏楊補之紅綾上所作者色掀篷梅

秋山

秋雨早行有嘆

寄題王採德修知縣成都新居

左藏南庫西廡下紙閣負暄戲題

賀皇孫平陽郡王十月十九生辰

白紵歌舞四時詞

行路難

卷二十三

寄題喻叔奇國博郎中園亭廿六詠

題永新吳景蘇主簿梯雲樓

題安成趙寬之慈順堂

寄題曾子與競秀亭

送朝士使虜

冬至令節稱賀紫宸殿及德壽宮

冬至節後賀皇太子及平陽郡王

跋張功父通判直閣所惠約齋詩乙藁

張功父舊字時可慕郭功父故易之求予書其意再贈五言

走筆和張功父玉照堂十絕句

曉經八盤嶺赴東宮講堂

出北關門送李舍人使虜

赴文德殿聽麻仍拜表

跋尤延之山水兩軸二首

紫宸殿拜表賀雪二首

衝雪送陸子靜

雪中送客過清水關二首

和皇太子梅詩二首

和吳監丞景雪中湖上訪梅

早謁景靈宮

送吳監丞季行知簡州

送陸子靜刪定宮使

雪晴二首

和皇太子瑞雪二首

雪後曉過八盤嶺詣東宮謝受左司告二首

晴後再雪四首

讀子房傳

雪中講堂賜酒二首

立春後一日和張功父園梅未花之韻

白頭吟二首

丁未元日大慶殿拜表賀正

元日癸卯占云大熟

送趙氏則少監提舉二首

雙峯定水璘老送木樨香五韻

人日出遊湖上三首

道上吟三首

游寺四首

卷二十四

瑞香花新開十詠

謝李元德郎中餉家釀二首

初出貢院買山寒毬花數枚

紫牡丹二首

上巳同沈虞卿尤延之王順伯林景思游春湖上隨和韻得十絕呈同社

跋濠溪汪立義大學致知圖二首

景靈宮聞子規

寄題劉成功錦里

讀淵明詩

送謝子肅提舉寺丞二首

送錢寺正出守廣德軍二首

鄉士李英秀才得老潘墨法善作墨梅復喜作詩良齋日以三奇贈之七字

予復同賦云

送姜夔堯章謁石湖先生

三月二十六殿試進士待罪集英殿門二首

趙達明大社四月一日招游西湖十詠

紅玫瑰

省中直舍因敲新竹懷周元吉二首

含笑

枇杷

走筆送濟翁弟往浙東謁邱宗卿二首

題西湖僧房

省中見樹上啄木鳥戲題

山丹花

四月十七侍立集英殿觀進士唱名

無題

張功父索余近詩余以南海朝天二集示之蒙題七字

蒲萄架

送沈虞卿祕監修撰將漕江東二首

臨賀別駕李子西同年寄五字詩以杜句君隨丞相後爲韻余走筆和以謝

焉

游水月寺

題水月寺寒秀軒

歸途觀劉寺新疊石山

題劉寺僧房

和嚴州添倅趙彥先寄四絕

戲題簷前蜘蛛

故王氏令人挽詞二首

錢仲耕殿撰侍郎挽詩二首

周子皮監簿挽詩二首

洪丞相挽詞二首

跋忠敏任公遺帖

同尤延之京仲遠玉壺錢客二首

玉壺錢客獨趙達明未至云迓族長於龍山且談道中事戲爲之記二首

食蓮子

白蓮

酷暑觀小僮汲水澆石假山

清曉湖上三首

大兒長孺同羅時清尋涼蒲橋

曉出兜率寺送許耀卿二首

蒲橋寓舍劇暑

林景思寄贈五言以長句謝之

珍做宋版印

李仁甫侍講閣學挽詩二首

大令人田氏挽詞二首

大卷二十五

寄題劉凝之墳山壯節亭

寄題周元吉湖北漕司志功堂

曉出淨慈寺送林子方二首

題北山教場亭子

送林子方直閣祕書將漕閩部三首

送李伯珍主管西歸

聖上閔雨遍禱未應下詔避殿減膳感嘆賦之

七月二十三題李亨之墨梅

牽牛花三首

江下送客

和姜邦傑春坊續麗人行

和姜邦傑春坊再贈七字

木樨初發呈張功父

又和六首

題徐衡仲西窗詩編

題吳夢與古樂府

賀皇太子九月四日生辰二首

題董陔中興慶壽頌

石榴

九月十日同尤延之觀淨慈新殿 看劉寺芙蓉

劉寺展繡亭上與尤延之久待京仲遠不至再相待於靈芝寺

買菊

朱新仲舍人灑山詩集其子軫叔正見惠且有詩和以謝之

再拜和謝朱叔正機宜投贈獎及南海集之句

經和寧門外賣花市見菊

九月十五夜月細看桂枝北茂南缺未經古人拈出紀以二絕句

和張功父病中遣懷

早入東省殘月初上

緩轡入東宮門望見漁浦山

和徐衡仲惠詩

和張功父夢歸南湖

張功父請祠甚力得之簡以長句

三老董公

利州路提刑秘書張季良送洸硯發視乃一段柏木也作詩謝之

送德輪行者

擬上舍寒江動碧虛詩

送朱師古龍圖少卿帥潼川

高宗聖神文武憲孝皇帝挽詞

紀夢

題眉山程侂所藏山谷寫杜詩帖

題臨川李子經文藁

送喻叔奇工部知處州

送劉童子

題劉道原墓次剛直亭

除夜張功父惠詩索荆溪集次韻送之

題畢少董緡經圖

戊申元日立春題道山堂前梅花

龍山送客二首

問春二首

曉入秘書省過三橋

謝譚德稱國正惠詩

連日二相過史局不到省中後園杏花開盡

省中新柳

讀梁武帝事

跋悟空道人墨跡

卷二十六

偶送西歸朝天二集與尤延之蒙惠七言和韻以謝

跋王順伯所藏歐公集古錄序真蹟

和趙稷臣惠詩軸

和段季承左藏惠四絕

和張功父梅詩十絕

去瑞香病葉

和袁起巖郎中投贈七字二首

跋袁起巖所藏後湖帖并遺像一軸詩中語皆躐括帖中語也

謝邵德稱示淳熙聖孝詩

題曾無已所藏高麗正紙蔡君謨歐公筆蹟

夢種菜

謝曹宗臣惠雙溪集

過灞東石橋桐花盡落

春雨呈袁起巖

再和

擬玉水記方流詩

擬歸院柳邊迷詩

擬汲古得修綆詩

謝張功父送牡丹

張功父送牡丹續送醑臠且示醑臠長篇和以謝之

和張功父送黃薇薈并酒之韻

和張功父聞子規

跋范文正公與尹師魯帖

跋韓魏公與尹師魯帖

跋陳簡齋奏草

跋簡齋與夫人帖

邱母大碩人臧氏挽詩

劉平甫挽詩二首

楊文節公朝天詩集目錄

咏謝安父薨詩十首

咏謝安父薨詩十首

去聲香齋集

咏列聖象太極圖四首

咏謝安父薨詩十首

楊文節公詩集卷之二十一

宋吉水楊萬里廷秀甫諱

長陽後學彭淑秋潭甫校訂
本邑後學趙本漢漱雲甫仝校

朝天集

淳熙甲辰十月一日擬省試萬民觀治象

魏闕東風裏皇城曉日端三朝垂治象萬姓得榮觀老穉看如堵章程炳若丹
九天新雨露一札妙龍鸞遠覽周官舊重瞻漢詔寬歡聲將喜氣銷盡柳邊寒
仲冬詔追造朝供尙書郎職舟行阻風清泥三首

東闕催人赴赤墀北風攔我泊清泥會當老子有行日未信北風無住時
破籬外面卽江流枯樹梢頭總客愁隔水遠山濃復淡殷勤點綴一川秋
江神風伯戰方酣北浪吹翻總向南未教人扶下江枕却教眼看上江帆
明發清泥衝雪刺船三首

冰棹風船雪滿篷詩人醉臥水晶宮追程未到君休問且啓瓊窗看玉峯

碧玉波頭綠錦裯玉妃蹈舞襪生塵先生奇觀誰分却不分孤舟獨釣人
紅作麒麟朱作灰自溫瓊液瀉銀杯雪花萬片江千頃更欠人間底物來

過招賢渡

歸船舊掠招賢渡過灘將船橫攔住風吹日炙衣滿沙嫗牽兒啼投店家一生
憎殺招賢柳一生愛殺招賢酒柳曾爲我礙歸舟酒曾爲我消詩愁

三衢登舟午睡

午思昏昏不肯醒倦投竹枕睡難成恍然有夢疑非夢聽得人聲及水聲

望橫山塔

水面生風分外嚴竹根剩雪更新添六年不見橫山塔茅屋東邊忽半尖

曉泊蘭溪

金華山高九天半夜雪裝成珠玉案蘭溪水清千頃強朔風凍作琉璃缸日光
雪光兩相射病眼看來忘南北恨身不如波上鷗脚指爲楫身爲舟恨身不如
沙上鴈蘆花作家梅作伴折綿冰酒未是寒曉寒真欲冰我肝急閉籬篷擁爐

去竹葉梨花十分注

蘭溪解舟四首

兩岸千千萬萬峯看來冷白復寒紅人言雪嶺非銀砌三日晴光曬不融
日開五色暖征裘雪滿羣山爽病眸道是詩人窮到骨暖邊爽裏放蘭舟
只愁灘淺攔行舟到得江深又不流水鳥避人飛不徹看他沒去看他浮
際晚江風刮面來曉寒已去却重回也知青女嫁滕六巽二何須強作媒
梳頭看可正平詩有寄養直時未祝髮等篇戲題二首

却因理髮得披文看盡廬山筆底春寄語可師休祝髮癩邊猶有去年痕
老子平生湯餅腸客間湯餅亦何嘗怪來今日加餐飯一味廬山筍蕨香

暮泊鼠山聞明朝有石塘之險

下水船逢上水船夕陽仍更澁沙灘鴈來野鴨却驚去我與舟人俱仰看回望
雪邊山已遠如何篷底暮猶寒今朝莫說明朝路萬石堆心一急湍

夜泊釣臺小酌

牛狸送我止嚴陵黃雀隨人赴帝城海錯未來鄉味盡一杯今夕笑先生

追和尤延之檢詳紫宸殿賀雪

錫山詩老立層霄黃竹賡歌宴在瑤有客夢中聞雪作曲肱蓬底信船搖雪時予方

解舟三衢遙知瑞葉飄香袖笑向梅花趁早朝未嘆山人負猿鶴負渠縮項與長腰

乙巳和陳蹇叔郎中上元晴和

御柳梢頭晚不風官梅面上雪都融如何闐闐新春夜頓有芙蓉滿眼紅十里

沙河人鬧裏三千世界月明中買燈莫費東坡紙今歲鼇山不入宮十四日有旨徹禁中

山棚

二月望日遞宿南宮和尤延之右司郎署疎竹之韻

此君見我眼猶青笑我銀髭雪點成憶昔與君同舍日聽渠將雨作秋聲夜來遞宿三更悄葉底春寒一倍生夢入故園數新筍籬邊破蘚幾莖橫

春寒早朝

十載江湖今又歸朝雞不許夙興遲每聞撲漉初鳴處正是鬢鬆好睡時病眼

生憎紅蠟燭曉光未到碧桃枝誰能馬上追前夢坐待金門放玉筴

二月二十四日寺丞田文清叔及學中舊同舍諸友拉予同屈祭酒顏文
幾聖學官諸文集於西湖雨中泛舟座上二十人用遲日江山麗四句分
韻賦詩予得融字呈同社

正月一度游玉壺二月一度游真珠是時新霽曉光初西湖獻狀無遺餘君王
予告作寒食來看孤山海棠色海棠落盡孤山空湖上模糊眼中黑夜來三更
湖月明羣仙下墮嬉珠庭東坡和靖相先後李成郭熙在左右惠崇捧硯大如
箕大年落筆疾於飛磨墨爲雲灑爲雨湖波掀舞山傾欹畫作西湖煙雨障今
晨掛在孤山上同來諸彥文章公不數錢起與吳融何如玉船百分滿一笑千
峯煙雨散

類試所戲集杜句跋杜詩呈監試謝昌國察院

有客有客字子美日糴太倉一升米錦宮城西生事微盡醉江頭夜不歸青山
落日江湖白嗜酒酣歌拓金戟語不驚人死不休萬草千花動凝碧穉子敲針

作釣鉤老夫乘興欲東流巡簷索共梅花笑還如何遜在揚州老去詩篇渾漫
與蛟蝶飛來黃鵠語往時文采動人主來如雷霆收震怒一夜水高數尺強濯
足洞庭望入荒閩闔晴開映蕩蕩安得仙人九節杖君不見西漢杜陵老晚身
作詩下筆如有神久與山東李白好□□□□□□□□□□儒術於我何有哉願吹
野水添金杯焉知餓死填溝壑如何不飲令心哀名垂萬古知何用萬牛回首
邱山重

予因集杜句跋杜詩呈監試謝昌國察院謝丈復集杜句見贈予以百家
衣報之

棘圍深鎖武成宮華裾織翠青如葱謝公文章如虎豹林間一笑回山風天下
幾人學杜甫千江隔兮萬山阻畫地爲餅未必似更覺良工心獨苦誰登李杜
壇浩如海波翻奄有二子成三子古風蕭蕭筆追還我詩如曹檜拆東補西裳
作帶令人還憶謝元暉崑崙崙虞泉入馬蹄我願四方上下逐東野只有相逢無

別離

楊花

只道垂楊管別離楊花一去不思歸浮踪浪跡無拘束飛到蛛絲也不飛

擬花藥亞枝紅

花密非無藥繽紛亂眼中千枝相並鬪一色總成紅
卦曉桃如積爭晴杏欲烘
金鬚迷不見玉頰醉來同頓覺江山麗都看錦繡籠
春光誰畫得分付少陵翁
四月五日車駕朝獻景靈宮省前迎駕起居口號

鳳輦雲行露未銷鸞旗風動柳相高晴雷出地傳清蹕
霽日吹紅染御袍喜見
天顏浮玉藻歸從原廟薦櫻桃小臣再得瞻黃繖兩鬢
星星不滿搔

沈虞卿祕監招遊西湖

蘇公堤遠柳生烟和靖園深竹映闌船入芰荷香處
去人從雲水月中還似寒
如暖清和在欲雨翻晴頃刻間能爲蓬萊老仙伯
一杯痛快吸湖山

陳蹇叔郎中出閩漕別送新茶李聖俞郎中出手分似

頭綱別樣建溪春小璧蒼龍浪得名細瀉谷簾珠顆露
打成寒食杏花錫鷓斑

椀面雲縈字兔褐甌心雪作泓不待清風生兩腋清風先向舌端生

送鄉僧德璘監寺化緣結夏歸天童山二首

一別璘公十二年故當刮目爲相看問儂收得曹溪水雲下春風吹已乾
七百支郎夜忍飢木魚閉口等君歸還山大衆空歡喜只有誠齋兩首詩

答提點綱馬驛程劉修武翰二首

公幹當年子建親景文今代大蘇賓絕知將種仍詩種不放騷人與外人
解道征鴻數字秋清於雪椀映冰甌老來筆底心無毒交割風光與子休

吳春卿郎中餉臘猪肉戲作古句

老夫畏熱飯不能先生饋肉香傾城霜刀削下黃水精月斧斫出紅松明君家
猪肉臘前作是時雪沒吳山脚公子彭生初解縛糟邱挽上凌烟閣却將一爨
配兩螯世間真有揚州鶴

戲作司花謠呈詹進卿大監郎中

靈均觴客滕王家鼈頭仙人作司花仙人一笑春風起開盡仙源萬桃李李花

冶白桃鮮紅坐客桃霞李雪中仙人半酣舞造化風吹雨打千花空嫣然菸色
付一掃收拾殘英又嫌老落花已對春風羞新花也對春風愁姚黃魏紫世無
種且據眼前桃李休

直宿南宮二首

獨直南宮午獨吟祥雲淡淡竹陰陰曉風漫落鵝黃雪看到槐花一寸深
今年秋暑更禁他無計商量奈熱何一霎飄蕭涼一日雨來消得幾多多
秋熱連宵夢不成移床換枕到天明今宵不熱還無睡却爲宮簷瀉雨聲

大司成顏幾聖率同舍招遊裴園泛舟繞孤山賞荷花晚泊玉壺得十絕

句

鳳城魚鑰曉開闔國子先生領縉紳山水光中金鑿落芙蓉香裏葛頭巾
小步深登野寺幽古松將影入茶甌鈴聲忽起九天半有塔危峯最上頭
岸岸園亭傍水濱裴園飛入水心橫旁人莫問游何許只揀荷花鬧處行
船開便與世塵疎飄若乘風度太虛座上偶然遺餅餌波間無數出龜魚

西湖舊屬野人家今屬天家不屬他水月亭前垂楊柳集芳園下儘荷花
小泛西湖六月船船中人卽水中仙外鋪雲錦千弓地中度琉璃百摺天
城中擔上買蓮房未抵西湖泛野航旋折荷花剝蓮子露爲風味月爲香
故人京尹劇風流走送廚珍佐勝遊青李來禽沈冰雪黃金白璧斫螯蟬
人間暑氣正如炊上了湖船便不知湖上四時無不好就中最說藕花時
遊盡西湖賞盡蓮玉壺落日泊樓船莫嫌當處荷花少剩展湖光幾鏡天

謝胡子遠郎中惠蒲大韶墨報以龍涎心字香

墨家者流老蒲仙碧梧採花和麝烟華陽黑水煎膠漆太陰玄霜作肌骨龍尾
磨飢飲鼠鬚落點髣几几不如夷甫清瞳光敵日一見墨卿驚自失後來夔州
有梁杲邇來黠川有吳老亦追時好得時名竟爲蒲生豎降旌吳墨往往玄尙
白梁墨濕濕藕黏壁南宮先生來自西惠然贈我四玄圭我無鵲返鸞回字我
無金章玉句子得君此贈端何似兀者得鞞僧得髡安得玉案雙鳴璫金刀繡
段底物償送似龍涎心字香爲君興雲繞明窗

新涼五言呈尤延之

暑極無可增夏餘亦復幾幽人渴欲臘日日望秋至秋至涼不隨夏去熱未已
一夕睡美餘秋從簟波起新涼來何方灑若清到髓夕前輕雨作雨後微風駛
涼偶與之偕未必涼因此向來亦風雨既止暑更倍但令暑爲涼老病有生意
何必問所來亦莫悲徂歲

小齋晚興

不會隣家養鴿兒清晨齊放晚齊歸網絲到處縈人鬢欲打蜘蛛揀最肥
尤延之和予新涼五言末章有早歸山林之句復和謝焉

投分詎云稀會心諒無幾從君淡何奇與我凜獨至相逢情若忘每別懷不已
偶因新涼篇令予懦全起藉草分芳潤陟巘共石髓松陰俯逝波不徐亦不駛
平生還山約終食無忘此可憐各異縣千里復三倍他日寄相思百書那寫意
從今可疎却嘆日以爲歲

省宿題天官廳後竹林

秋聲偷入翠琅玕葉葉竿竿玉韻寒聲在樹間原未是秋聲只在竹林間

賀皇太子九月四日生辰四首

地出雷初震天昇日更重高飛千里鶴潛躍九淵龍隆準如高帝虬鬚似太宗
入荒陰賜裏戶戶是華封

代邸躬仁儉湯孫世聖賢誰云無二日今恰見三天甲觀初寒夕神光似晝然
前星那解老何但八千年

重九吹花節千齡夢錫時東朝分菊水南內賜萸枝禹酒無多酌堯樽更一卮
三宮千萬壽剩費若干詩

繼照姿天縱分陰學日勤橘中招綺夏瓜處屏匡文老別魚竿日來依鶴禁雲
還將古爲鑑聊當野人芹

和同年李子西通判

走馬看花拂綠楊曲江同賞牡丹香向來年少今俱老君拜監州我作郎北闕
小遲蒼玉佩南征聊製芰荷裳病身只作山家夢徑菊詩葩兩就荒

九日都下黃雀食新

九日新霜薄羣飛一網遮裘披楊柳絮色染木樨花下箸欣鄉味知儂憶故家
金杯浮菊藥相映兩光華

九日卽事呈尤延之

昨日茱萸未吐香今朝籬菊頓然黃浮英泛藥多多着舊酒新醅細細嘗節裏
且追千載事鬢邊管得幾莖霜正冠落帽都兒態自笑狂夫老不狂

和周元吉左司東省培竹

雞省有貞植驚行銷晝煩憎柳媚綠暗伴梅耿黃昏何須雪貿貿始愛渠軒軒
堅守孤竹國肯折先軫元如何桃李時筍短不出垣周郎夜入直挾策攜酒尊
爲渠問玄夫乃遇震爲坤喜渠必蕃昌吟到落金盆曉喚郭橐駝提耳細細言
汲水龍井泓輦上天竺原妙偷造化窟仁及冰霜根爲賦淇澳詩絕去筆墨痕
何時淮陰市能報漂母恩周郎顧之笑吾自哀龍孫

和周元吉左司夢歸之韻

半似清狂半似癡不須人笑我心知烟霞平日真成癖山水中年却語離錯計浪隨雲出岫感君能遣兩催詩居然喚起還家夢橘刺藤梢隔槿籬

給事葛楚輔侍郎余處恭二詹事招儲禁同寮沈虞卿祕監諭德尤延之
右司侍講何自然少監羅春伯大著二宮教及予泛舟西湖步登孤山五

言

曉雨擣珠屑吹作空中塵拂水無落暈映巒有遮痕承華兩端尹嘉招出城闔一尊澆雲師借風開晝昏諸鬢忽脫帽孤鏡亦捲裯西湖翳復皎南山洗如新舍舟步柳堤曳杖啄松門乃是小上林亦有虎守闔桂落賸金粟蓉妝濃繡屏高堂竹梢上幽榭荷葉濱羣仙此小憩呼酒領一欣秋花隔水笑笑我墮紗巾更醺不知籌互嘲還作春行樂戒多取況復及羲輪歸髮兀頽玉那知醉與醒

賀皇孫平陽郡王十月十九日生辰

玉曆當千運天潢第一源本支堯百世有道宋曾孫接武前星曜依光太極尊年年會佳節更慶茁蘭孫

送王成之中書舍人使虜

帝遣唐朝第一人玉門關外賜金銀使星芒動梅花早漢月光垂塞草春故國山河迎詔旨中原父老識詞臣十分宣慰華戎子歸爲君王轉大鈞

李聖俞郎中求吾家江西黃雀醪法戲作醪經遺之

江夏無雙小道士一邱一壑長避世裁雲縫霧作羽衣蘆花柳綿當裘袂身騎黃鵠太液池脚踏金臺扳桂枝渴飲南陽菊潭水飢啄藍田粟玉芝今年大田秋大熟紫皇遣刈神倉穀一雙鳧鳥墮雲羅夜隨弋人圍茅屋賣身不直程將軍却與彭越俱策勳解衣戲入玉壺底壺中別是一乾坤水精鹽山兩岐麥身在椒蘭衆香國玉條脫下濕凝脂金叵羅中酌瓊液平生學仙不學禪劄心洗髓糟床邊諸公俎豆驚肆筵猶得留侯借箸前昔爲飛仙今酒仙更入太史滑稽篇

食蒸餅作

何家籠餅須十字蕭家炊餅須四破老夫飢來不可那只要鷓鴣吞一箇詩人

一腹大於蟬飢飽翻手覆手間須臾放箸付一莞急喚龍團分蟹眼

早朝紫宸殿賀雪呈尤延之二首

雪花將瑞獻君王晴早銷遲戀建章不肯獨清須帶月猶嫌未冷更吹霜
雪妃月姊宴羣仙珠閣銀樓集玉鸞老子來看收不徹梅梢拾得水晶盤

擬乙巳南郊慶成二首

已醜方諸月底泉更昇燿火桂梢烟煨黃幄座明金炬太紫虛皇下碧天玉輅
旂常龍十二繡衣鹵簿虎三千萬人隨駕還闔闔看奪金雞雪柳邊
上瑞今年特地奇大田多稼與雲齊星沉析木天街北波靜崑崙渤海西帝在
紫壇神在坎穹如蒼蓋月如珪一人執玉千官肅萬馬和鈴不敢嘶

代賀郊祀慶成二首

聖主勤民歲自豐德威懷遠塞塵空鬱金裸鬯周茅屋瑄玉親郊漢竹宮已刺
六經新作制却追三代與同風雞竿更霽如天澤殿柳宸梅雪正融

天爲君王幸泰禋飛翼疎雨淨香塵金波玉李浮蒼壁風馬雲車降紫宸萬寶

豐年真上瑞八方和氣藹成春受釐未肯專宣室鴻號還將壽兩親

和周元吉左司郊祀慶成韻

八觚泰時六郊天一柱明堂再饗先日月旂常寒映雪冕旒珠玉暖生烟風回
韶濩龍鱗外花覆貔貅鳳闕前喜溢天顏應未了又迎慶壽入新年

送章德茂少卿使虜

雪後聞君策馬蹄長纓自請繫撐犁光華劍佩伊吾北彈壓風濤瀚海西漢苑
秦關愁外眼邊花塞月醉中題歸來聽履星辰上誰道淮陰假鎮齊

送詹進卿大監出宣城

今代稽山賀季真前身江左謝宣城向來詔策無雙手已逼雲霄尺五程銀杏
木瓜分我否鴛鴦野鴨莫渠驚玉皇香案方虛着看卽徵黃侍紫清

和章德茂少卿拉館學之士四人訪王德修提幹

西玉南金價則同帝城相對落花風人如天上珠星聚談到尊中竹葉空白紵
烏紗青寶玦紫鸞黃鵠碧梧桐千齡此遇還孤往恨殺燈前欠老翁

送何一之右司出守平江

十年一別再從遊，又見魚書拜徹侯。
人物只今何水部，風流不減韋蘇州。
白蘋洲上春傳語，烏鵲橋邊草喚愁。
報政不應遲五月，鶯花紫禁竚歸舟。

送羅春伯大著提舉浙西

晁董聲名彼一時，夫君下筆與渠齊。
承明厭直辭金馬，英蕩非關訪碧雞。
山岳動搖增氣色，詔書宣布舞羣黎。
歸期只在千秋節，留賦蒼苔鳳掖西。

德壽宮慶壽口號

淳熙丙午元日，聖上詣東朝慶壽，入秩積陰，頓晴飛雪，弄日聖孝昭格，萬姓呼舞，擬作口號十解。

長樂宮前望翠華，玉皇來賀太皇家。
青天白日仍飛雪，錯認東風轉柳花。
清曉鞭聲出禁中，驚開剩雨及殘風。
金鴉銜取紅鸞扇，飛上玻璃碧海東。
春色何須羯鼓催，君王元日領春回。
牡丹芍藥薔薇朵，都向千官帽上開。
雙金獅子四金龍，噴出香雲繞殿中。
太上垂衣今上拜，百王曾有箇家風。

帝捧瑤觴玉座前綵衣三世祝堯年天皇一萬八千歲休說莊椿兩八千
天父晨興未出房君王忍冷立風廊忽然鳴蹕珠簾捲萬歲聲傳震八荒
花外班行霧外天何緣仔細望龍顏小窺玉色真難老底用臞僊九轉丹
甘露祥風天上來今回恩數賽前回都將四海歡聲裏釀作慈皇萬壽杯
堯舜同時已甚都祖孫四世古今無誰將寫日摹天手畫作皇王盛事圖
甲戌王春試集英小臣曾是老門生蒼顏華髮鷓行裏也聽鈞天九奏聲

題曹仲本出示譙國公迎請太后圖自肅天仗以下皆紀畫也

德壽宮前春晝長宮內花開宮外香太皇頤神玉霄上都人久不瞻清光今晨
忽見肅天仗翠華黃屋從天降一聲清蹕萬人看天街冰銷樓雪殘北來又有
一紅繖八鸞三駢金轂端輦中似是瑤池母鳳鳥霞裳剪雲霧太皇望見天開
顏萬國春風百花舞乃是慈寧太母回鸞圖母子如初千古無朔雲邊雪旗脚
濕御柳宮梅寒影疎向來慈寧隔沙漠倩鴈傳書鴈難託迎還驄馭彼何人魏
武子孫曹將軍將軍原是一縫掖忽攘兩臂挽五石長揖單于如小兒奉歸慈

輦如折枝功蓋天下只戲劇笑隨赤松蠟雙屐飄然南山之南北山北君不見
岳飛功成不抽身却道秦家丞相嗔

正月二十四夜朱師古少卿招飲小樓看燈二首

光射琉璃貫水精玉虹垂地照天明風流誰似朱夫子解放元宵過後燈
南北高峯醒醉眸市喧都寂似巖幽君言去歲西湖兩城外荷聲到此樓

送劉孔章縣尉得官西歸

早宴黃花詣粉闈晚接春草染朝衣却提猛士弓彎月去一作掃封狐雪打圍

綠鬢朱顏君勝我青天白日我思歸何時共淪青原茗下看江鷗來去飛天一作春

和陸務觀惠五言

官縛春無分髯疎雪更欺雲間墮詞客事外得心期我老詩全退君才句總宜
一生非浪苦醬瓿會相知

雲龍歌贈陸務觀

墨池楊子雲雲間陸士龍天憎二子巧言語只遣相別無相從長安市上忽再

值向來一別三千歲王母桃花落幾番北斗柄爛銀河乾雙鬢成絲絲似雪兩
翁對面面如丹借問別來各何向渭水東流我西上金印斗大值幾錢錦囊山
齊今幾篇詩家不愁吟不徹只愁天地無風月君不見漢家平津侯東閣冠蓋
如雲浮又不見當時大將軍公卿羅拜如星奔祇今雲散星亦散也無鹿登臺
榭羊登墳何時與君上廬阜都將硯水供瀑布磨鎌更斫扶桑樹擣皮作紙裁
烟霧雲錦天機織詩句孤山海棠今已開上巳未有遊人來與君火急到一回
一杯一杯復一杯管他玉山頽不頽詩名於我何有哉

再和雲龍歌留陸務觀西湖小集且督戰云

我願身爲雲東野化爲龍龍會入淵雲入岫韓子却要長相從作意相尋偏不
值不知今年是何歲剡藤玉板贈一番廷珪烏丸灑未乾乃是故人陸浚儀詩
骨點化黃金丹謂宜天祿貯劉向不然亦合雲臺上却令去索催租錢枉却清
風明月三千篇夜裝明發走不徹半篙刺碎巖灘月老夫不願萬戶侯但願與
君酒船萬斛同拍浮老夫不怯故將軍但怯與君筆陣千里相追奔少陵浣花

舊時屋太白青山何處墳二仙死可埋邱阜二仙生可着韋布各種廣寒宮裏
樹非烟非雲亦非霧長使玉皇掉頭誦渠句詩府誰將玉篴開詩壇誰授黃鉞
來留君不住君急回不道西出陽關無此杯西山金盆儘渠頽斯遊明日方懷
哉

上巳日子與沈虞卿尤延之莫仲謙招陸務觀沈子壽小集張氏北園賞
海棠務觀持酒酌花予走筆賦長句

東風吹我入錦幄海棠點注臙脂薄不論宜雨更宜晴莫愁傾國與傾城半濃
半淡晚明滅欲開未開最奇絕只消一線日脚紅頃刻千株開絳雪偉哉詩人
桑苧翁持杯酌酒澆豔叢坐看玉頰添醉暈爲渠一醉何須問

注一作濕

再和

大空無壁不可幄顛風莫動花肌薄一春纔有一日晴帝里遊人爭出城青天
如水綠烟滅晴與海棠成兩絕座中賓主詩中仙開口揮毫俱玉雪清泉白石
欠此翁若爲插脚鷓鴣叢老眼看花花作暈多慚猿鶴頻相問

醉臥海棠圖歌贈陸務觀

帝城二三月海棠一萬株向來青女拉滕六戲與一戰即日枯東皇夜遣司花
女手揆紅藍滴清露染成片片淨練酥亂點梢梢酣月樹蓬萊仙人約老翁寄
牋招喚陸龜蒙爲花一醉也不惜就中一事最奇特海棠兩岸繡帷裳是間橫
着雙胡床龜蒙踞床忽倒臥烏紗自落非風墮落花滿面雪霏霏起來索筆手
如飛臥來起來都是韻是醉是醒君莫問好箇海棠花下醉臥圖如今畫手誰
姓吳

楊文節公詩集卷之二十一

Blank page with vertical lines, likely a separator or a page with extremely faint text.

楊文節公詩集卷之二十二

宋吉水楊萬里廷秀甫撰

長陽後學彭

淑秋潭甫校訂

古筠後學陳

霖雨亭甫全校

朝天集

寒食雨中同舍人約遊天竺得十六絕句呈陸務觀

遊山不合作前期便被山靈望得知
只等五更傾一雨三更猶是月明時
筍輿衝雨復衝泥一徑深深只覺遲
孤塔忽從雲外出寺門漸近報儂知
住山何敢望他僧只是遊山也不會可惜
一條杉檜路都將濕了不教行
破雨遊山也不嫌却教山色雨中添
人家屋裏生松樹穿出茅簷却覆簷
小溪曲曲亂山中嫩水濺濺一線通
兩岸桃花總無力斜紅相倚臥春風
老檜如幢翠接連山茶作塔綠縈纏
山僧相識渾相忘不到山中十五年
三峯小石一方池下有機泉仰面飛
坐看跳珠復拋玉忽然一噴與簷齊
清遠溪中小閘頭遮攔溪水不教流
山僧爲我放一板濺雪奔雷怒未休

城裏哦詩枉斷髭山中物物是詩題欲將數句了天竺天竺前頭更有詩
忽見金絲嬾綺疏又驚寒食到來初不知折盡西湖柳插遍長安萬戶無
禪房寂寂水潺潺澗草巖花點綴間忽有仙禽發奇響頻伽來自普陀山
雨裏匆匆怨出郊晴時不出却誰教西湖北畔名園裏無數桃花只見梢
戶戶遊春不放春只愁春去不愁貧今朝道是游人少處處園亭處處人
若道尋春被雨催如何隨處兩三杯晚晴曉雨如翻手有底虧儂不好來
萬頃湖光一片春何須割破損天真却將葑草分疆界葑外垂楊屬別人
轎頂花枝盡鬧裝遊人未暮已心忙無端更被千株柳展取蘇堤分外長

和皇太子雪中賞梅偶成二首

日到青宮分外長梅兼白雪一時芳儲皇更着瓊瑤句句裏天葩別樣香
玉淵堂下一梢長倚賴春風壓衆芳妙句忽從天上落千花從此總無香

謝皇太子三月十九日召宴榮觀堂頒賜金杯禪羅

春草池塘太液旁水精宮殿牡丹香慚非綺里攀鴻翼也侍承華宴鳳莊玉唾

銀鈎看落筆繡袍金
椀拜盈箱迎門兒
女牽衣袖搜得隋珠與夜光

錢趙子直制置閣學侍郎出帥益州分未到五更猶是春二十八字爲韻

得猶字

錦水花潭照碧油
西清學士舊鰲頭
隨身琴鶴如清獻
治蜀功名更武侯
無脫十行看暮召
不應三峽隔辰猶
垂楊管得人離別
舞破春風勸玉舟

鑠宿省中心氣大作通夜不寐得兩絕句

酒病春愁恰併來
更衝花信宿鸞臺
睡鄉瘴子無三里
玉漏聲聲只喚回
絕恨誰人浪許癡
四更無睡只哦詩
老鈴枕手眠牕底
急雨顛風總不知

送王恭父監丞倅潼川

淡墨掄魁政少年
蓬山璧水得詩仙
集賢學士看文筆
國子先生費酒錢
濯錦江頭頻入夢
桃花水面送歸船
平分風月真聊爾
不日來朝尺五天

題徐載叔雙桂樓

遙憐天上桂花孤
月中何不種兩株
唐人此句真絕唱
後來詩人半語無
向來

何夕秋風起吹脫廣寒雙桂子落向君家樓閣前種玉開花今幾年清宵雙影
寫窗戶却兼月裏成三樹年年八月九月時黃金粟綴青瑤枝秋風吹香入月
去風回却帶天香歸容齋仙人為作碑誠齋老人為作詩金蟄玉兔已傳誦莫
問嫦娥知不知

招陳益之李兼濟二主管小酌益之指蠶荳云未有賦者戲作七言蓋疏
荳也吳人謂之蠶荳云

翠莢中排淺碧珠甘欺崖蜜軟欺酥沙瓶新熟西湖水漆櫛分嘗曉露腴味與
櫻梅三益友名因蠶繭一絲絢老夫稼圃方雙學譜入詩中作稼書

初夏清曉赴東宮講堂行經和寧門外賣花市

剩雨殘風一向顛花枝酒殘兩無緣忽逢野老從湖上擔取名園到內前芍藥
截留春去路鹿葱濃抹夏初天眾紅半霎聊經眼不枉皇州第二年

積雨新晴駕幸聚景園擬口號

帝心憂麥復憂桑一念通天轉雨暘五色日華銷積靄三春花草殿餘芳黃雲

暖照天顏喜紅藥濃薰禁籞香見說都人爭出郭歡聲舞倦萬垂楊

跋陸務觀劍南詩藁二首

今代詩人後陸雲天將詩本借詩人重尋子美行程舊盡拾靈均怨句新鬼嘯
狨啼巴峽雨花紅玉白劍南春錦囊緋罷清風起吹仄西窗月半輪
劍外歸乘使者車浙東新得左魚符可憐霜鬢何人問焉用詩名絕世無彫得
心肝百雜碎依前塗轍九盤紆少陵生在窮如蝨千載詩人拜蹇驢

新晴讀樊川詩

江妃瑟裏芰荷風淨掃癡雲展碧穹嫩熱便噴疎小扇斜陽酷愛弄飛蟲九千
刻裏春長兩萬點紅邊花又空不是樊川珠玉句日長淡殺箇衰翁

駕幸聚景園晚歸有旨次日歇泊

身在長安夢故山故山未去且長安落紅滿地莫教掃新綠隔牆聊借看竹葉
勸人行樂事榴花爲我遣春寒賜休又得明朝睡不問三竿與兩竿

都下食笋自十一月至四月戲題

竹祖龍孫渭上居供儂尊俎半年餘斑衣戲綵春無價玉版談禪佛不如若怨
平生食無肉何如陋巷飯斯蔬不須庾韭元修菜喫到憎時始憶渠

醅醪

以酒爲名却謗他冰爲肌骨月爲家借令落盡仍香雪且道開時是底花白玉
梢頭千點韻綠雲堆裏一枝斜休休莫斷西莊柳放上梢頭分外佳

早謁景靈宮聞子規

帝里都無箇裏寬苑深地禁到應難蔚然綠樹去天近上有子規啼月殘便覺
恍如還故里不知聞處是長安野薔薇發桐花落孤負南溪老釣竿

南海陶令曾送水沈報以雙井茶二首

嶺外書來謝故人梅花不寄寄爐熏瓣香急試博山火兩袖忽生南海雲苒惹
鬚眉清入骨縈盈窗几巧成文瓊琚作報那能辦雙井春風送茗芬

沈水占城第一良占城上岸更差強黑藏骨節龍筋瘡斑出文章鷗翼張袞盡
殘膏添猛火熬成熟水趁新湯素馨熏染真何益畢竟輸他本分香

以六一泉煮雙井茶

鷹爪新茶蟹眼湯
松風鳴雪兔毫霜
細參六一泉中味
故有涪翁句子香
日鑄建溪當退舍
落霞秋水夢還鄉
何時歸上滕王閣
自看風爐自煮嘗

謝故人送常州草蟲扇

生怕炎天老
又逢草蟲扇子
獻奇功
還將多稼亭前月
捲盡西湖柳上風
蚱蜢翅輕塗翡翠
蜻蜓腰細滴猩紅
舊時綠鬢常州守
今作霜髯一秃翁

謝福建提舉應仲實送新茶

詞林應瑒繡衣新
天上茶仙月外身
解贈萬釘蒼玉鑄
分嘗一點建溪春
三杯大道醺然後
七碗清風爽入神
聞道閩山官況好
何時乞得兩朱輪

嘗枸杞

芥花菘苔餞春忙
夜吠仙苗喜晚嘗
味挹玉膏甘復脆
氣含風露噉猶香
作齏淡著微輸酪
茗茗臨時莫過湯
却憶荆溪古城上
翠條紅乳摘盈箱

幼圃

蒲橋寓居庭有剗方石而實以土者小孫子藝花窠菜本其中戲名幼

圃

寓舍中庭劣半弓燕泥爲圃石爲墉瑞香萱草一兩本葱葉焯苗三四叢穉子落成小金谷蝸牛卜築別珠宮也思日涉隨兒戲一徑惟看蟻得通

同三館錢王恭父監丞分韻予得何字

去歲從遊泛綠波西湖今日又新荷生來長是歡忻少老去更堪離別多客裏送君留不住罇前爲我飲如何休休萬事歸一醉爲報驪駒未要歌

送伍耀卿監廟西歸

敬軒居士子胥孫河出崑崙學有源秋鶻屢看書襴表春風兩度對堯軒釣竿已拂珊瑚樹拄笏新霑雨露恩暫作祝融香火吏埋輪早晚到柴門

謝岳大用提舉郎中寄茶果藥物三首

瓷瓶蠟紙印丹砂日鑄春風出使家白錦秋鷹微露爪青瑤曉樹未成芽松梢鼓吹湯翻鼎甌面雲烟乳作花喚醒老夫江海夢呼兒索鏡整烏紗

右日鑄茶

新羅上黨各宗枝有兩曾參果是非入手截來花暈紫聞香已覺玉池肥舊傳
飲子安心妙新擣蛛塵看雪飛珍重故人相問意爲言老矣只思歸

右紫團參

三韓萬里半天松方丈蓬萊東復東珠玉鍊成千歲寶冰霜吹落九秋風酒邊
臍膊牙車響座上須臾漆櫺空新果新嘗正新暑繡衣使者念山翁

右新松實

西府直舍盆池種蓮二首

飛空天鏡墮莓苔玉井移蓮旋旋栽坐看一花隨手長挨開半葉出頭來梢添
菱荇相縈帶便有龜魚數往回剩欲遶池三兩匝數聲排馬苦相催

西府寒泉汲十尋深澆淺灑碧森森高花已照紅妝鏡小荅新抽紫玉簪鈿破
尙餘新雨恨繖疎纔作半池陰西湖瘦得如盆大更伴詩人恐不禁

東宮講退觸熱入省倦甚小睡

承華下直直几廷新暑醺人睡不成到得曲肱貪夢好無端急雨打荷聲起看翠蓋如相戲亂走明珠却細傾歸路關心最涼處水風四面一橋橫

和周元吉省中新竹

青士何年下大荒羽儀禁省立如牆錦綉半脫娟娟玉粉節新塗拂拂霜帶雨小酣三日後出林忽喜一梢長今年秋閏防多暑剩供先生格外涼

題尤延之右司遂初堂二首

漫仕風中絮歸心水上鷗把茅新結屋藜杖舊經邱花底春勾引燈前夜校讎何如添我住二老更風流

詩瘦如山瘦人遐室更遐荒林庾信宅古木謝敷家醫國君臣藥逃名子母瓜只愁歸未得緣却白鷗沙

七字謝紹興帥邱宗卿惠楊梅二首

梅出稽山世少雙情知風味勝他楊玉肌半醉生紅粟墨暈微深染紫囊火齊堆盤珠徑寸醴泉浸齒蔗爲漿故人解寄吾家果未變蓬萊閣下香

越絕諸楊盛一時與儂瓜葛不曾知老夫自笑吾衰矣此客何從夢見之也解
過江尋德祖政緣作尹是邱遲渠伊不是南村派未免先驅事荔枝

小桃

小桃著子可憐渠疎處全疎無處無併綴一梢三十顆緹枝欲折沒人扶

送周元吉顯謨左司將漕湖北三首

君詩日日說歸休忽解西風一葉舟黃鶴樓前作重九水晶宮裏過中秋職親
六閣仍金馬喜入千屯看木牛繡斧光華誰不羨一賢去國欠人留
又見周郎攜小喬武昌赤壁醉嬌嬈蜀江雪水來三峽吳苑風烟訪六朝秋月
春花出肺腑新詞麗曲入笙簫歸來却侍金鑾殿好看霜毫映珥貂
彼此江湖漫浪翁相逢遞宿省西東兩窮握手論詩後一笑投膠入漆中臨水
登山公別我青鞋布襪我從公貂裘已博江西艇只待黃花半席風

簡陸務觀使君編修二首

聞道雲間陸士龍釣臺絕頂嘯清風却將半掬催詩雨灑入山村作歲豐

員外治中高帝孫幕中何幸有詩人主人不減西湖長青眼無妨顧德麟故人趙彥

先願託翁歸故云

送王季德提刑寶文少卿

寶儲依舊接英游盪節何曾遠藻旒卿月使星銀漢曉繡衣綵服太湖秋豺當道上狐何問鷹擊霜前兔已愁火急平反供一笑紫荷玉笋待君收

贈都下寫真葉德明

我昔山林人不識或疑謫仙或狂客仰看青天不看人醉裏那知眼青白一攜破硯入長安素衣成緇綠鬢斑上林麒麟著野馬滄洲鷗鷺綴孔鸞漢官威儀既不入貴人樣灞橋風雪又不見詩人相不須覽鏡照青溪我亦自憎塵俗狀葉君著眼秋月明葉君下筆秋風生市人請畫即唾罵只寫龍章鳳姿公與卿肯來爲予寫衰貌擲筆掉頭欣入妙相逢可惜遲十年不見詩翁昔年少

初秋翫月

月華只是尋常月如何入秋頓清絕潑在中庭滿地冰飛上寒窗一堂雪今宵

無雨風亦無涼氣却如風雨餘九州四海幾人看作意獨來尋老夫仙人餐霞
嚙朝日老夫不願受此術不如掇月入杯中酒浪月波供一吸老夫病肺怯清
秋對酒不飲月莫愁老夫未眠月未落相伴且到五更頭

送孫檢正德操龍圖出知鎮江二首

瀾州太守去明州誰寄長江萬里流雞省却煩三語掾龍章臥護兩淮秋古來
北府多名酒今復南徐說勝遊聊奉雙親小行樂卽持荷橐侍宸旒
看花走馬紹興間彼此春風各少年黃甲諸儒今幾許白頭同舍省東偏昨宵
歸夢月千里餘債欠君詩兩篇已乞閩中一窠宅老身只願早歸田

食鷄頭子二首

江妃有訣煮真珠菰飯牛酥軟不如手擘鷄頭金五色盤傾驪領琲千餘夜光
明月供朝嚼水府龍宮恐夕虛好與藍田餐玉法編歸辟穀赤松書

三危瑞露凍成珠九轉丹砂鍊不如鼻觀温芳炊桂歇齒根熟軟剝胎餘半甌
鷹爪中秋近一炷龍涎文室虛却憶吾廬野塘味滿山柿葉正堪書

跋尤延之右司所藏光堯御書歌

光堯太上皇帝御書西漢書列傳目上有璽文曰帝錄臣表得之以示
臣萬里萬里謹拜手稽首作歌敬書于後

鸞臺長史老野僧月前病鶴霜後蠅文書海裏滾不了黑花亂發雙眼睛故人
同舍尤太史敲門未揖心先喜袖中傾下十斛珠五色光芒射窗几自言天風
來帝旁拾得復古殿中雲一張向來太上坐朝罷勝日光風花柳暇浣花叢裏
冰雪容宣城鷄距針芒鋒天顏有喜聊小試西京書目供遊戲韓彭衛霍欣掛
名舒向卿雲感書字漢廷多少失意人九京寸恨不作塵一朝翻入聖筆底昭
回之光煥渠起小臣濫巾縫掖行手抄孝經不徹章何曾下筆寫史漢再拜恭
覽汗透裳太史結廬伴鷗鷺錫山山下荆溪渡紅光紫氣燭天衢箇是深藏寶
書處

賀皇太子九月四日生辰

恭遇皇太子殿下誕彌令辰謹齋沐吟成龍樓曲十解仰祝眉壽恭惟

令慈俯賜採覽萬里下情無任頌禱之至

日日龍樓問寢時
鷄人未動漏光遲
前星一點朝天帝
只有清臺太史知
清賞堂中無管絃
鳳山樓上有雲烟
儲皇側畔何人侍
黃卷團圞是聖賢
子晉吹笙未是仙
阿丕橫槊少全篇
小吟春著梅梢句
一日東風四海傳
二聖多能是仲尼
儲皇家學自庭闈
銀鈎已有淳熙脚
玉句仍傳德壽衣
明河槎上有仙翁
犯月衝星到碧穹
金闕東邊銀榜處
大書天地長男宮
太安宮裏漆園椿
子幹孫枝葉葉新
今日四株高下碧
相承一樣八千春
菊花潭上菊花開
不是花潭是壽杯
天賜生朝千斛水
一年一斛送將來
禹子湯孫兼聖賢
一身雙美古無前
願陳萬國元良句
不用金精玉粹篇
少陽拜賜太陽旁
黃菊紅萸滿壽觴
陽德重重在初四
不須九日是重陽
光堯初御六龍天
上直婁參大火躔
天意分明昌宋德
誕辰三世總丁年

尤延之檢正直廬窗前紅木樨一小株盛開戲呈延之

水沈國裏御風歸
粟玉肌膚不肯肥
原是金華學仙子
新將柿葉染秋衣
不應

妝束追時好無乃清癯悔昨非爲妬尤郎得尤物故將七字惱芳菲

送張定叟二首

直上雲霄未遣休分符京兆帝王州赤丸窟裏無白額碧落班中政黑頭兩地
好官纔半武扁舟歸興恰中秋只應銀信從天降莫戀融峯與橘州

紫巖衣鉢付南軒介弟曾同半夜傳師友別來真夢耳江湖相對各潸然但令

門戶無遺恨何必功名在早年君向瀟湘我閩粵寄書只在寄茶前

時予上方上章乞閩漕

新寒戲簡尤延之檢正

逗曉添衣併數重隔晡剩熱尙斜紅秋生露竹風荷外寒到雲窗霧閣中半點
暄涼能幾許古來豪傑總成空木犀香殺張園子雪嗅金梭欠兩翁

跋姜春坊梅山詩集二首

松風澗水打窗聲玉佩瓊琚觸眼明當晝如何挂秋月未春特地轉新鶯只消
一卷梅山集幻出多般景物情老子平生有詩癖爲君焚却老陶泓

承華僚案集鴛鸞不減應徐兼魏園中有釣璜清渭叟向來授鉞少陵壇錦心

繡口牽花草雪梳冰甌瀉肺肝身到梅山得梅魄老夫更借一枝看

早朝垂拱殿晚出東省

請外天難達留中日不遑烏啼金殿月鷺集玉堦霜出晚緣堂白歸時報綠黃
來年六十一六十鬢蒼蒼

跋京仲遠所藏楊補之紅綾上所著作色掀篷梅

朔雲暗天垂到地朔風裂山吹脫鼻長江萬頃一艇子一夜雪寒不成睡詩翁
曉起鬢鬢鬆縮頸微掀黃篋篷夜來急雪已晴了東方一抹輕霞紅江梅的皦
開獨樹篷間截入梅尺許老幹新枝紫復青花瑣白玉鬚黃金滿身滿面都是
雪梅雪却與霞爭明不知詩翁何處得霜鋸和雪和梅斲將去恐是并州快翦
刀不然吳剛修月斧下無根幹上無梢一株橫陳梅半腰東省拈出寒蕭蕭至
今花頭雪未銷

秋山

梧葉新黃柿葉紅更兼烏白與丹楓只言山色秋蕭索繡出西湖三四峯

秋雨早行有歎

細雨澹無質安得更更有聲如何却作泥亦能妨晨征宿昔忽過暄心知非堅晴
何須暄晴極然後寒雨生寒生使人覺妙物亦何曾翦翦自神妙無乃與物爭
造物本非作觀者或強名老夫近稍聾此事無能聽平生感秋至此意今已平
獨念老病身頗不耐夙興何時歸故園晏眠閉柴荆鳴鷄亦不留好夢無我驚
他年憶此詩憫如宿酒醒思歸已可喜而況真歸耕

寄題王採德修知縣成都新居

子美百花潭北莊君今占作詠歸堂山分劍閣雲根瘦江送蓬婆雪汗香漱石
枕流紅錦浪浮家泛宅白鷗行何人夜誦相如賦給札蘭臺看堵牆

來年左藏南庫西廡下紙閣負暄戲題

前於天左帑火禁積寒非人間有也而庫官孔仲古段季承史伯載心匠天巧
早創一火閣不薪不炭暖亦非人間有予以小暘谷名之且賦絕句

水衡僊客住冰天雪嚙風餐更禁烟不是移來小暘谷老夫凍折兩詩肩

賀皇孫平陽郡王十月十九日生辰

萬里恭遇皇孫節使郡王誕彌令辰謹齋沐吟成七言律詩一首仰祝
眉壽恭惟鈞慈俯賜採覽下情無任祝頌之至

前星炳煥領孫星環拱中天日兩輪四葉重光同聖世千秋佳節近生辰本支
秀茂旦復旦典學熙明新又新喜入威顏添一笑壽觴分賜一枝椿

白紵歌舞四時詞

春

人生春睡要足時海波可乾山可移珠宮宴罷曉星出不是天上無鳴鷄昨來
坐朝到日落君王何曾一日樂上林平樂半蒼苔桃花又去楊花來

夏

四月以後五月前麥風槐雨黃梅天君王若道嫌五月六月炎蒸又何說水晶
宮殿冰雪山芙蓉衣裳菱芡盤老農背脊曬欲裂君王猶道深宮熱

秋

星芒欲滅天風急月輪猶帶銀河濕青女推冰作冷霜吹到璇閨飛不入
亭羅山下浣紗人萬妃無色祇一身嬌餘貴極醉玉軟強爲君王踏錦綉

冬

祇道窮臘雪作惡不道雪天好行樂玻璃瓊底回青春葡萄錦外舞玉塵陽春
一曲小垂手勸君一杯千萬壽今年斛穀才入錢明年切莫羨今年

行路難

君不見河陽花今如泥土昔如霞君不見武昌柳春作金絲秋作帶人生馬耳
射東風柳色桃花却長久秦時東陵千戶侯華蟲被體腰蒼瑯漢初沛邑刀筆
吏折腰如磬頭搶地蕭相厥初謁邵平中庭百拜百不應邵平後來謁蕭相故
侯一拜一惆悵萬事反覆何所無二子豈是大丈夫窮通流坎皆偶爾搏扶未
必賢搶榆華胥別是一天地醉鄉何曾有生死儂欲與君歸去來千愁萬恨付
一杯

老夫少時不信老長笑老人恃年少如今老矣不笑人却被少年開口笑少年

何苦笑老人老人舊日顏如春與來百瑣山積玉醉後千篇筆有神自古聖賢皆白骨誰道今人不見古時月孔子盜跖俱塵埃杜陵老人今亦安在哉

黃金築臺賜白璧車前八駟門列戟徹侯萬戶秩萬石珠戶玉房貯傾國傳呼一聲萬人開將軍相國天上來不知道旁雍門子已嘆麋鹿登高臺雍門解遣孟嘗泣孟嘗不泣渠何急只知富貴如雲浮不知貧賤飢死寒死愁不愁

長門陳阿嬌却要一生金屋貯嬌嬈長信班婕妤却要一生紈扇從玉車妾心祇作專房地別人亦有承恩意妾心不肯著別人君心還肯如妾心春風秋月渾不管花落花開空自怨千秋萬歲一笑休明月空照古今愁

造化小兒不耐閒阿兄阿姊一似顛兩手雙弄赤白丸來來去去繞青天赤丸才向西山沒白丸又向東山出只銷三萬六千回雪色少年成皺鐵鐵色頭鬚却成雪雙丸繞從地下復上天少年一入地下更不還日日喜歡能幾許況有煩惱無喜歡莫言酒不到劉伶墳上土劉伶在時一醉曾三年明珠一百斛更添百斛也只心不足侯印十九枚更添一倍也只眉不開先生笑渠不行樂莫

教人笑先生錯

...

楊文節公詩集卷之二十二

...

...

...

...

...

楊文節公詩集卷之二十三

宋吉水楊萬里廷秀甫撰

長陽後學彭 淑秋潭甫校訂

繡谷宗裔 雲彩四峯甫全校

朝天集

寄題喻叔奇國博郎中園亭二十六詠

金谷惟堪貯俗塵，輞川今復得詩人。先生道是貧到骨，猶有山園斗大春。

右亦好園

洞庭張樂起天風，玉磬吹來墮圃中。却被仙人鎔作水，為君到底寫秋空。

右磬湖

烏龍灘下白雲堆，上有狂奴舊釣臺。一夕被君偷取去，至今猶帶漢莓苔。

右釣磯

春有兒孫夏有朋，月中寒影雨中聲。臘晴消盡一園雪，為底林間雪不晴。

右蘆葦林

亦好園中亦好亭兩重好處兩重貧客來莫道無供結抹月批風當入珍

右亦好亭

冰為仙骨水為肌意淡香幽祇自知青女素娥非耐冷一生耐冷是橫枝

右橫枝

橫枝直下是清池花映清池水映枝知是君描和靖句不知和靖寄君詩

右清淺池

舊繞新縈綠萬蟠架餘籬剩復垂欄先生醉帽堆香雪知自醱醺洞裏還

右醱醺洞

湧岫跳峯尺許寬坐看雲霧起巖間九疑荒遠巫陽險未必真山勝假山

障天右小山

錦帳豪華笑駭童松圖冷淡惱山翁玉山頽處誰扶着花作屏風倚暖紅

右花屏

青士從來一徑幽碧衫翠袖佩蒼瑯何年筆戰明光殿奪得詩仙紫綺裘

右紫君林

水晶方局石橋仙知是柯山幾代孫
月借繁星作碁子夜寒賭得一金盆

右方池

亦好亭兼弄月亭磬湖不許兩邊行
誰拋蟬竦湖光尾便有先生拄杖聲

右野橋

身在京師夢在鄉黃花又是一番黃
平生不解淵明語菊却猶存徑却荒

右菊徑

兩餘想見藥苗肥薯蕷堪羹杞可齏
老賤何須投益智先生只要買當歸

右藥畦

碧天如水水如天月入湖中璧樣圓
却被先生來弄碎一團成百百成千

右弄月亭

桃李無言照水光玻璃盆底洗新妝
不須水上紅雲出水上紅雲不解香

右花嶼

柳下湖光淨一天湖邊垂柳起三眠小蠻自倚腰肢裊照鏡梳頭曉月前

右柳堤

名園曲水費工夫玉螿瓊磨滴水無誰把流觴借杜老天生九曲一冰渠

右曲水

秧疇水落苻蘂尖玉石當中碧一奩石面平鋪波面皺千花織出水晶簾

右水簾

渠水來從林外泓水知湖近各爭鳴何人月下攜枯木寫取穿雲落澗聲

右水渠

石友拳然萬仞姿竹君嘯處一川漪更無二客隨巾屨誰見先生覓句時

右竹巖

雁下菰蒲報夕寒鷺將苻藻作朝餐野人只許野人到不要金張許史看

右野塘

詩人性癖愛看山曉坐堂中夕懶還只對月山無限好月山外面八雙鸞

峯

右愛山堂

細雨初零濕翠裳
新晴特地試紅妝
無人會得東風意
春色都將付海棠

右海棠塢

昔人只解笑移山
未信移山不作難
一昨日山三里外
先生掇取近欄干

右月山

題永新吳景蘇主簿梯雲樓

誰道青雲不可梯
君家樓閣與雲齊
諍臣內相名垂日
諫草詞頭字印泥
我昔曾爲禾水客
夢中猶憶義山西
仇香自有家聲在
豈使鸞鳳棘上栖

題安成趙寬之慈順堂

天潢龍種與人殊
五鳳仍傳萬卷書
象服在堂萱草煖
綵衣上壽棣花舒
雪中密竹能抽笋
冰底寒江更躍魚
趙氏弟兄俱玉樹
良齋文字卽瓊琚

寄題曾子與競秀亭

老夫上下蓼花灘每過君家輒繫船樽酒燈前山入座孤鴻月底水連天暄涼
書問二千里場屋聲名三十年競秀主人文似豹不應霧隱萬峯邊

送朝士使虜

又見皇華賦北征謫仙俊氣似秋鷹詩成紫塞三更月馬渡黃河十丈冰趙北
燕南有人否擒胡歸漢竟誰曾天家社稷英靈在佳氣時時起五陵

冬至令節稱賀紫宸殿及德壽宮

宮燭奔忙下玉除晨曦拂掠麗儲胥東西班動雲開合警蹕聲來電卷舒隆準
衣裳紅一點御香烟霧碧千爐勳華二聖天齊壽亞歲年年賀帝居

冬至節後賀皇太子及平陽郡王

長樂鐘聲攪夢驚建章星影照人行千官燈焰聽殘點一夜霜寒在五更金鑰
玉匙開北闕銀鞍絲控謁東明青宮朱邸環天極五色祥雲覆帝城

跋張功父通判直閣所惠約齋詩乙藁

句裏勤分似燈前得細嘗孤芳后山種一瓣放翁香苦處霜爭澁臞來鶴較強

不應窮活計公子也忙忙

張功父舊字時可慕郭功父故易之求予書其意再贈五字

冰雪相投處風期一笑間
只今張桂隱絕慕郭青山
功父雙何遠相如了不關
鳥飛暮天碧此句急追還

走筆和張功父玉照堂十絕句

健青新走一梢長數日東風引得狂
定自今番春色裏新枝別樣占年光
年年春信遣人疑賺出詩人枉覓詩
着意探梅偏不發月斜偶見一橫枝
騃女痴兒總愛梅道人衲子亦爭栽
何如雪後瓊瑤跡印寄詩人獨自來
梅詩脫口已流傳要趁梅前更雪前
喚醒誠齋山裏夢落英如雪枕磚眠
紅紅紫紫儘紛紜韻處終輸庾嶺君
未說玉花冰雪骨新陰先綠半春雲
常年十月未花開雪片今年九月回
便有早梅隨早雪一枝笑看百花催
今歲略無霜報寒忽然一夜雪漫漫
雪花要作梅花地十月早梅和雪看
老見千花眼便昏憶梅長爲賦招魂
只今身伴西湖上不羨淮南嶺上村

玉照堂中瀹早茶下臨溪水織紋紗十詩小試春風手催發溪梅兩岸花
老懶狂吟不要工愛君七字晉唐風更煩傳語梅花道火急齊開小至中

曉經八盤嶺赴東宮講堂

至前至後恰多晴山北山南間一登瘦石經霜乾脫蘚細泉滴澗漸成冰海波
貫日虹千丈江霧縈樓玉萬層資善堂前得春早宮梅一朵掠觚稜

出北關門送李舍人使虜

同寮緩轡出承華又送雙星水北涯霜外汀洲蘆葉曉雪餘園圃竹梢斜只驚
睡起猶殘月不覺歸時已落霞白首鴛行徒索寞故山今日正梅花

赴文德殿聽麻仍拜表

六龍觀闕啓槐宸白玉堦除振鷺羣仗外諸峯獻瑞雪霜前一雁度寒雲舍人
就日宣麻制丞相瞻天進表文夙退自慚還自笑素餐何以策殊勳

跋尤延之山水兩軸二首

水際蘆青荷葉黃霜前木落蓼花香漁舟去盡天將夕雪色飛來鷺一行

水漱瓊沙冰已澌野鳧半起半猶遲千竿修竹一江碧只欠梅花三兩枝

紫宸殿拜表賀雪二首

怪來臘日起春風一夜瓊花發禁中大地山河銀色界九重樓閣水晶宮紫宸
廊迴寒無價文石庭乾掃不融又喜來年書大有誰知聖主是天公

稍緩鳴鞭不住催一聲再拜忽如雷封章進罷儀曹退文武班齊上相來白髮
兩年陪賀雪紫衣數輩小傳杯賜休退食端何恨未到西湖探早梅

衝雪送陸子靜

猛落還中歇疎飛忽驟繁平欺蘆屋脊偏護竹籬根對面看童子低頭印手痕
銷魂送行客行客更銷魂

雪中送客過清水關二首

雪中出去雪中回深閉窗櫺偶一開牆裏人家掃簷瓦玉塵打入轎窗來
肩輿九步十傾欹下有冰河不敢窺冰上水禽行似箭忽逢缺處得魚兒

賀皇太子梅詩二首

清賞堂前隔俗塵南枝得雪曉爭新獨將却月凌風影攬獻儲皇第一春
梅仙踏雪步清塵儲后梅詩雪共新玉句金章雲錦字問天覓得隔年春

和吳監丞景雪中湖上訪梅四首

朔風敢傍貴人嚴約束天花莫入簷藥玉船寬初潏潏銷金帳暖政厭厭
七字全勝五字城清於庾信及鍾嶸君詩妙絕端何似不似梅花似麼生
雪與梅花兩逼真不知誰好復誰新無端更入吳融手剪取西湖半段春
聞君踏雪訪梅花不怕蘇堤十里賒老子怯寒那敢出地爐檜拙是生涯

早謁景靈宮

夜雪猶飄天目峯曉晴先暖太清宮雲翻孔雀金花碧日射鴛鴦玉瓦紅百辟
焚香宮柳影一鴉飛立殿簷東仰瞻九聖聯龍袞萬歲千秋對昊穹

送吳監丞季行知簡州

名景

勳烈涪陽異姓王手扶西極漢天長有孫文武千人傑透紙風騷萬字香小涉
移中公事筆又懷劍外史君章同朝多日相從少不唱陽關也斷腸

送陸子靜刪定宮使

朝路江西不十人又看一個奉仙真可憐議論長傾座不管聲名解誤身尙憶
去年郊祀日與渠並轡笑談春何時相趁滄州去雪笠風蓑釣白蘋

雪晴二首

仙人剪水作花飛忽化瓊瑤已大奇復把瓊瑤化成水滴來平地總琉璃
晴光雪色忽相逢兩滴空階日影中珍重北簷殊韻勝且留殘玉不教融

和皇太子瑞雪二首

白玉花開碧玉天縈樓繞殿舞翩然儲皇善頌天皇德瑞應金穰萬萬年
揉雲接霧碎成塵落不曾休西達辰鶴禁鏤冰成七字野人拜賜敢辭頻
雪後曉過八盤嶺詣東宮謝受左司告二首

扶桑梢上上朝暎起早行遲却載奔玉作宮城三萬雉呼童控馬入金門
玉京世界大千中銀屋樓臺一萬重好上寶蓮山上望南高峯照北高峯

晴後再雪四首

珍傲宋版印
幸自晴光雪半開誰將泥脚漉瓊瑰水仙上訴嫦娥泣再遣天花散一回
滕家仙子六瓊娘煑露爲酥不剩漿滴作玉蟲千萬隻一時飛滿白雲鄉
天上瓊樓萬玉妃月宮學舞試雲衣霓裳未徹天風起腦子花鈿星散飛
八盤嶺上雪偏清萬斛瓊塵一併傾空裏仰看都不見碧山映得却分明

讀子房傳

笑睹乾坤看兩龍淮陰目動卽雌雄與王大計無尋處却在先生一躡中

雪中講堂賜酒二首

玉果金杵碼碯觴春坊傳令賜雲漿雪中上馬渾如夢一片飛來醉面涼
袖手垂鞭出帝闈萬花攔馬舞新春是時也有青油繖天上歸來雪滿身

立春後一日和張功父園梅未花之韻

前夕三更月落時東風已動萬花知江梅端合先交割春色如何未探支只欠
梁溪冰柱句追還和靖暗香詩張家剩有葱根指不把瓊酥滴一枝

白頭吟二首

文君自製白頭吟，怨思來時海未深。
怨殺相如償底事，初頭誤信一張琴。
除却共姜是女師，柏舟便到白頭時。
勸渠莫怨終難勸，不道前夫怨阿誰。

丁未元日大慶殿拜表賀正

獻歲朝未央，新霽快明發。
晨曦耿五色，宿靄歛四徹。
洗清萬溝瓦，消盡一月雪。
素光從何來，晶瑩落寒笏。
回瞻背陰處，猶藏半簷白。
夜來有微霜，雪上辨不得。
時於翠幕頂，拂掠見瓊屑。
還將黃金日，正射白銀闕。
忽然捲班出，綠紅亂眼纒。
歸來飲屠酥，笑向兒女說。

元日癸卯占云大熟

造物今年印司花，昨夜交雪留蘆菽。
脚日到瑞香梢，白叟占嘉應青精看滿抄。
游絲也懽喜，不住舞蠨蛸。

送趙民則少監提舉二首

漢庭近日少宗盟，博選宗英副巨卿。
高帝子孫誰宿德，翰林風月得先生。
又持一節湖南去，政是三湘雁北征。
但使遠民蒙福了，早歸詞禁賦新鶯。

座主門生四十年江湖契闊幾風烟同朝再接駕行裏握手相看鶴髮前誤喜
論詩追舊事不知呼酒是離筵老懷只作還山夢輸與先生早著鞭

雙峯定水璘老送木樨香五首

春得鄞江信香從定水來今年有奇事正月木樨開

萬杵黃金屑九烝碧梧骨詩老坐雪窗天香來月窟

山童不解事著火太酷烈要輸不盡香急喚薄銀葉

傳語雙峯老汝師是如來如何一瓣香却爲楊誠齋

誰言定水禪人定似枯木飛入廣寒宮收得香萬斛

人日出游湖上三首

放闌冷泉亭抽動一天碧平地跳雪山晴空下霹靂

去時數點雨歸時數片雪兩雪兩不多山路雙清絕

舊臘緣多雪新年未有梅懸懃下天竺隔水兩株開

道上吟三首

肩輿豈不穩萬象非我有呼童喚馬來湖山落吾手
樹隱重重竹溪穿曲曲峯林深那有寺烟遠忽聞鐘
城中雪一尺山中雪一丈地上都已消却在松梢上

游寺四首

去歲遊春屐苔痕故可尋人家隨岸遠塔影落湖深
客愛清殊絕僧愁凍不勝可憐兜率寺齋供一湖冰
三竺雪來時四山都作凍團團玉屏風圍繞渾無縫
此行殊忽忽天色不肯借更待海棠晴滿意孤山下

楊文節公詩集卷之二十三